

सानसेयारि "बड'सा" खौरलाइयाव समाजयारि जिउजो लोब्या थानाय रायथाय, खन्थाय, सल, सल'बाथा आरो दावबायारि थावनि, पार्क बाइदिनि सायाव लिउरनाय लिउरिदो दैथाय हर। सानसेयारि "बड'सा" खौरलाइया सेवखानाबे फोसावगोन।

बड'सायाव लिउरनायनि ह दा खालाम, "बड'सा" खौरि, जो बरयो ओगो खालाम।

सानसेयारि बड'सा मावखुलि

माइबं नोगार, जोहोलाव दैमालु लामा

कक्राझार, बिटास-783370

Website: www.bodosanewspaper.com

सानसेयारि बड'सा



BODOSA ★ A Bodo News Daily ★ Sunday ★ 13 June, 2021 Kokrajhar, BTC, Assam ★ Vol.- 31, Issue No. 78 ★ R.N.I.Regd.No.40994/91, AssamGovt.Regd.No.IPRD.40/2006/13, ★Rs.8/-



पाखामारायाव दिरि दैसानि हा खुरखानायखौ होबथानायनि राहा लादों राइजो-राजाफोरा

बाक्सा, 12 जुन: बाक्सा जिल्लानि पाखामारायाव दिरि दैसाया गोलाव समनिफ्रायनो हा खुरखानायखौ ओन्सोलनि सुबुंफोरनि गोबां हा-सम्पथिफोरा खहा जाबोदों। दैज्जां बोथोर सौफेदोंब्लाबो दैसानि हा खुरखानायखौ होबथानो जिल्ला खुंथाया जेबो रोखोमनि राहा लायखे। जायनि जाहोनाव (□ 5 बिलाइआव)

कक्राझारआव 34 थि बड'लेन्ड मुंख्लं सान फालिदों

(हारिनि थाखाय जिउ खोमानांनय मुंख्लंफोरनि बिहोमाखौ गोसोखांबाय थागोन: दिपेन बर')

कक्राझार, 12 जुन: 12 जुनआ बर' माहारिनि थाखाय मोनसे गोसोखांथि सान। मानोना आलादा बड'लेन्ड राइज्यो सोमावसारनायनि गिबि

मुंख्लं सुजित नार्जारिआ 12 जुनखालि सुधुरनि आखाइयाव जिउ खोमानांनोमोन। मुंख्लं सुजित नार्जारिआ बड'लेन्ड सोमावसारनायनि गिबिसिन

मुंख्लं हिसाबै बोसोफोमबो 12 जुनखौ बड'लेन्ड मुंख्लं सान महरे फालिबोदों। सिगां बोसोरफोराव फालिबोनाय बादिनो देग्लायबो राइज्योनि दाब दाब जिल्लाफोरजों लोगोसे कक्राझारआवबो 34 थि बड'लेन्ड मुंख्लं सानखौ

कभिड-19 नि थाखाय सरकारनि खानानै होनाय नेमखान्थिफोरखौ मानिनानै सोलिनायनि गेजेरजों मेहेर गोनाइ फालिनाय जादों। मिरु दुलायय बर' फरायसा आफाद आरो कक्राझार जिल्ला दुलायय बर' फरायसा आफादजों

लोगोसे खोला कक्राझार दख'रा एबसुनि हेफाजाबजों दिने कक्राझार सहरनि खोला फासैं साखाथियाव थानाय बातिपारायाव मुंख्लं सुजित नार्जारिनि मुंख्लं खाम्फायाव 34 थि बड'लेन्ड मुंख्लं सान फालिनायनि लोब्यायै मान

बाउयो। बे बड'लेन्ड मुंख्लं (□ 5 बिलाइआव)

टंला 3 नं वार्डनि जेंनाफोरनि सायाव बि टि चिनि मावफुं सोद्रोमा दिगन्त बरुवाया सुलु लाहैदों



होदों बि टि चिनि मावफुं सोद्रोमा दिगन्त बरुवाया। मुदैबारि बियाबनि सिडाव थानाय टंलानि 3 नं वार्डआव बियाव जौगाखां फान्डजों दाफामजानाय मोनथाम बिथाखिफोरखौ नायगिदिहेनानै ओन्सोलनि जाम्फै-नालाफोरनि जेंनाफोरनि सायाव ओन्सोलनि सुबुंफोरजों मावफुं सोद्रोमाया सावरायलायो। मावफुं सोद्रोमा दिगन्त बरुवाया राधागबिण्ड (□ 5 बिलाइआव)

उदालगुरि, 12 जुन: उदालगुरि जिल्लानि फालांगियारि, थुनलाइ-हारिमुयारि आरो सोलेंथायारि मिरु महरे सिनायथिजानाय टंला सोहोरनि 3 नं वार्डनि सुबुंफोरा गोलाव

समनिफ्रायनो भुगिनांनोनाय जेंनाफोरखौ सुझानायनि खोथा (□ 5 बिलाइआव)

बाकसा जिल्ला एबसुआ 34 थि बड'लेन्ड मुंख्लं सान फालिदों



बाकसा, 12 जुन: राइज्योनि दाब दाब जायगाफोराव 34 थि बड'लेन्ड मुंख्लं सानखौ फालिनाय बादिनो दिने बाकसा जिल्ला एबसुआबो मुसलपुरआव थानाय जिल्लानि

गाहाय मावखुलियाव फालिदों। बाकसा जिल्ला एबसुनि गाहाय नेहाथारि नन्देस्वर बर'नि गुदि हमनाय बे हाबाफारियाव गिबि गिबियै सुजित नार्जारिनि गोथार मुंख्लं खाम्फायाव बाकसा जिल्ला एबसुनि आगुनि आफादगिरि बि सोमखोर बसुमतारीआ गाहाय आलासि महरे बाहागो लानानै बिबार बाउजेन्यायजों लोगोसे आलारि (□ 5 बिलाइआव)

भवानिपुरआव आयेन बैरेखा 24 रोजा लिटार थावखौ पुलिसआ बोखांदों



भवानिपुर, 12 जुन: कभिड-19खौ होबथानो कारफिउ आयेननि खबु लानानै माखासे सखिवा सधु फालांगिरिफोरा भवानिपुर ओन्सोलाव आयेन बैरेखायै थावनि फालांगि खालामबोनायखौ दिने भवानिपुर पुलिसआ बोखारझानायजों लोगोसे गोबां बिबानि थावफोरखौबो बोखांनो हायो। मख'नो गोनांदि भवानिपुर पुलिस थानानि बिबानिगरिनि दैदेन्यायव पुलिसनि मोनसे हान्जाया दिने भवानिपुरनि साखाथियाव थानाय (□ 5 बिलाइआव)

रायमना माहारियारि हाग्रामानि हाबग्रा दरखंखौ रायमनायावनो खालामनो ओन्सोलनि राइजो-राजाफोरनि दाबि



गसाइगाव, 12 जुन: थानाय 5 जुन थामहिनबा सोलिफु बोसोर 2021 नि मुलुगनां आवहावा सानखालि (□ 5 बिलाइआव)

आसाम सरकार कक्राझार जिल्लानि गसाइगाव महकुमानि सिडाव थानाय कसुगाव ओन्सोलनि रायमना हाग्रा ओन्सोलखौ माहारियारि हाग्रामा एवा नेसनेल पार्क महरे फोसावनायनि उनाव थानाय 10 जुनखालि बे नेसनेल पार्कखौ आसामनि आबहावा (□ 5 बिलाइआव)

गाहाय फोरोंगिरि बिमन्त बसुमतारीया गैलिया

बासुगाव, 12 जुन: कक्राझार जिल्लानि सालाकाति पुलिस आउट पष्टनि सिडाव थानाय निगमघला गामिनि थागिबि एबा निगमघला गुदि फरायसालिनि गाहाय फोरोंगिरि बिमन्त बसुमतारीया आवथिरायै रंसारि जालाडो। निगमघला गुदि फरायसालिनि गाहाय (□ 5 बिलाइआव)

आसामआव सानफ्रोमबो 3 लाख सुबुंफोरखौ भेक्सिन होनो थांखि लादों

गुवाहाटी, 12 जुन: आसाम सरकारआ सानसेयाव राइज्योनि 3 लाख सुबुंफोरखौ करना भेक्सिन होनायनि थांखि लादों होनानै देहा बिफाननि मन्थि के शब मन्तआ दिने फोरमायथिदों। देहा मन्थिआ फोरमायथिबावनाय बादिक्ला बे थांखिखौ मावफुंनो थाखाय राइज्योयाव 2 रोजा हान्जा दनाय जाबाय। बिथाड फोरमायनाय बादिक्ला राइज्योयाव 18-44 बोसोर बैसोनि सुबुंफोरनि भेक्सिनआ बे समाव मिरु सरकारनिफ्राय थोजासे सौफैनांनै



दं। बे हिसाबै राइज्योनाडै सानफ्रोमबो 3 लाख सुबुंफोरखौ भेक्सिन होनायनि थांखि लानाय जादों आरो बे हाबाफारिखौ दानानै होखानाय मोन 2 रोजा हान्जाफोरनि मावफारियाफोरा

मावफुं'गोन। लोगोसे आसामआव थाबैनो नांगोसेवां भेक्सिनफोर सौफैनो हाबावगोन (□ 5 बिलाइआव)

कक्राझारआव फिन सोमो नांथाव आरो दुखु नांथाव जाथाय

(फांसे बिफाडवोनो फासि नांनय थासारियाव सानै हिन्जावसानि गोथै सह बोखांदों)



कक्राझार, 12 जुन: कक्राझार जिल्लानि कक्राझार पुलिस थानानि सिडाव थानाय धिरिबलिनि साखाथि अबायकुति ओन्सोलाव मोनसे सोमो नांथाव आरो दुखु नांथाव (□ 5 बिलाइआव)

जाथाय सोमजिनाया ओन्सोल नाडै मोनसे दुंहाव थासारि सोमजिहोदों। शुक्र बार मोनाबलि समाव अबायकुति ओन्सोलनि बान्दरपारा गामियाव सानै हिन्जावसाफोरनि गोथै सहखौ फासि नांनानै थानाय थासारियाव बोखांनो मोन्याय जादों। बोखांनो मोन्याय गोथै सहखौ रबिता राभा आरो समायना राभा होन्नांनै (□ 5 बिलाइआव)

मुसलपुरआव हाथियारजों लोगोसे साबा दाकातइफोरखौ हमदों

बाक्सा, 12 जुन: बाक्सा जिल्लानि सदर मुसलपुर आरो अदालबारियाव थानाय शुक्रबारखालि हरनि समाव बाक्सा पुलिसा लानाय सिग्रोमनाय हाबाफारिनि गेजेरजों साबा दाकातइफोरखौ हमनो हानाय जाथाय ओन्सोलनाडैनो सोमोनांनय थासारि सोमजिहोदों। थानाय माखासे समनि (□ 5 बिलाइआव)



चिरां पुलिसनि फिन जाफुंसार हाबाफारि

(सानै ड्रागस फालांगिरिखौ हमनो हादों)

चिरां, 12 जुन: दुलायय राइज्यो नाडैनो दासान्दि आसामखौ ड्रागस एबा फेग्रा बेसाद उदां खालामनायनि थांखिजों आयेन बेरेखायै ड्रागस आरो गुबुन फेग्रा बेसाद फालांगि खालामनाय आरो बाहायनायनि हेंथायै गोखोडै नायबिजिरगामिनो थादों। राइज्योनि गुबुन जिल्लाजों लोगोसे चिरां जिल्लायवबो पुलिस बिफानआ थानाय माखासे समफोर सिगांनिफ्रायनो ड्रागसनि हेंथायै



जिल्लानि दाब दाब दासिम गोबां ड्रागसजों लोगोसे जायगाफोराव नायबिजिर फालांगिरिफोरखौबो हमनायव गामिनो थानायनि गेजेरजों (□ 5 बिलाइआव)

26 जून आव आबादारिफोरा राजभवन आव धर्ना होना नै गोसोम फिरफिला बिरहोगोन

मेक्सिक-आमेरिका सिमायाव वाल बानायनाय यजनाखौ बाइडेन खुंथाया होबथादों

गोदान दिल्ली, 12 जून: हादत आव मोनथाम आबाद आयेननि हेंथायै आबादारिफोरनि धर्ना होनाया दासिमबो सोलिंगासिनो। बेनि गेजेरवनो आबादारिफोरा सोमावसारनायखौ गोखैसिन खालामबावनायनि थांखियै फेगौ 26 जून आव हादतनाडैनि राजभवन आव धर्ना होना थांखि लादों, लोगोसे बे सानखौ "आबादखौ रैखाथि हो, सुबुं तन्त्रखौ रैखाथि हो सान" महैरबो लाफिन्नाय जागोन। मख 'जाथावदि, 26 जून आव आबादारिफोरनि सोमावसारनाया 7 दान फुरा जागोन। बे सानावनो हादतनाडैनि राजभवनफोरव धर्ना होना नै हादतगिरिनि मुडै आर'जलाइ थिसनगोन। बेनि थाखाय आबादारिफोर जायखि जाया



गनायथिबो लानाय नड, सयुंक्त किसान मर्चाया फोसावदोंदि बिसोरो 26 जून खालि गावसिनि धर्ना होनाय समाव गोसोम फिरफिलाबो उरायहोगोन आरो हादतगिरि रामनाथ कबिन्दनो गावसिनि

दाबि दैखानायनि मेमरेन्डामखौ गथायगोन। आबादारिफोरनि दैदेनगिरि इन्द्रजीत सिंआ मोनसे फ्रेस कन्फेन्सआव बुडोदि, बै सानखौ "आबादखौ रैखाथि हो सुबुं तन्त्रखौ रैखि हो सान" महैरबो फालिनाय जागोन।

मख 'जाथावदि, थांनाय बोसोरनि 26 नभेम्बरनिफ्रायनो आबादारिफोरा राजथावनि दिल्लीनि गुबुन गुबुन सिमाफोरव मोनथाम आबाद आयेनफोरनि हेंथायै धर्ना होगासिनो दं।

वाशिंग्टन, 12 जून: बाराग' हादतगिरि डनाल्ड ट्राम्पनि मेक्सिक-आमेरिका सिमायाव बाउन्डरी वाल बानायनायनि मख 'जाथाव यजनाखौ बाइडेन खुंथाया गिदिर गोमोहोनायनि थियारि खालामदों। शुक्रबारव मिथिहोनाय जायोदि, बे यजनानि थाखाय डाइबार्ट खालामनाय फान्डखौ गथायफिन्नायजों लोगोसे फास्ट-ट्रेक स्टेटासखौबो फोजोबनाय जासिगोन, जायनि जाहोनाव बेजों आबहावा बायपास खालामनायव रेहाय मोन्नाय जायोमोन। बाइडेनआ हादतगिरि बिबान आजावनायनि उनाव बे वाल बानायनायखौ होबथादोंमोन आरो खुंथाया बे यजनाखौ नायबिजिरो। बाइडेनआ 2 बिलियन आमेरिका डलारनि बांसिन रांखाथिखौ गथायफिन्नायनि बिथांखि



बानायदों। बेखौ ट्रमनो पेंटागननिफ्राय डायबार्ट खालामदोंमोन। लोगोसे एमपिफोरखौ बुंनाय जादोंदि, बेनि थाखाय जायखि जाया उफ्रा रांखाथि हरनो नाड। बाइडेननि

हान्जानि बादिब्ला बे चालखौ बानायनो गोनांथि गैया। मख 'जाथावदि, ट्राम्प खुंथाया थांनाय बोसोरव 720 किलमिटर गोलाव वाल बानायनायनि खामानिखौ गोखै मावदोंमोन।

रैखाथि बिफाना बे खामानिखो आर्मी कर्प्स अफ इन्जिनियर्सनो गथायदोंमोन। बेखौ होबथानायनि बाइडेननि थांखि लानायखौ रिपब्लिकान सीनटरफोरा सरकारी फिन होग्रा मावख 'नियव नायबिजिरोनो थाखाय बुडोदि, आथिखालनि खुंथाया गावसिनि गोसो बादि थांखिनि थाखाय थि खालामाखे रांखौ बाहायनानै संसदारि आयेननि बेरेखा मावदों होना नै सांथि खालामदों। फारसेथिं बाइडेन खुंथाया बुडोदि, बियो कं ग्रेसनि सिगाडावनो थि खालामखानाय रांखाथिखौ आयेन बादिदै गोनांथार थांखिनि थाखाय बाहायगोन, नाथाय हमलेन्ड सिक्कुरिटी बिफाननि रेहायनि इसारा होदों आरो 3 लाखनिफ्राय खम केसखौ थिसनाय जादों।

टिभि चनेलफोर, खौरांलाइफोरनि डिजिटेल न्युज प्लेटफर्मखौ आइटी नेमखान्थिनि बायजोयाव दोन्नो हाया

गोदान दिल्ली, 12 जून: मिरु सरकार टिभि चनेलफोर आरो खौरां बिलाइफोरनि डिजिटेल न्युज प्लेटफर्मखौ गोदान आइटी नेमखान्थिनि बाइजोयाव दोन्नायखौ नेवसिगारो। सरकार बेखौ आइटी नेमखान्थि 2021 खौ बाहायनायनि थाखाय इमारजेन्सि थांखि लानो बुंनाय जादों। फोरमायथि आरो फोसावदि मावख'आ बुडोदि, फसंथानफोरनि वेबसाइटखौ आयेननि बेखन्थायाव लोबोनाया जोबोद गोब्राब। मावख'आ

डिजिटेल न्युज पाब्लिशर, पाब्लिशर अफ अनलाइन क्युटेर कन्टेन्ट एबा अटीटी प्लेटफर्म आरो एससिएशन अफ डिजिटेल मिडिया पाब्लिशरनि सिगाडाव रोखा खालामनायाव बे बाध्राखौ बुंदों। आयेनआव जायखि जाया रोखोमनि बाध्राखौ लाफादेसगया डिजिटेल न्युज पाब्लिशरजों फारगथि दिन्थिनाय जागोन, जाय सिगांनिफ्रायनो सोलिबोनाय टिभि एबा प्रिन्ट मिडियाजों लोब्ला गैया। नेसेल ब्रडकास्टर्स एससिएसन (एन बि

ए) आ बावैसो सिगाडाव मावख'आ लाइजाम लिहसना नै टेलिभिजन न्युज मिडिया आरो बेनि डिजिटेल न्युज प्लेटफर्मखौ टेलिकम टेक्नलजी नेमखान्थि, 2021 नि बेखन्थायनिफ्राय बायजोयाव लाखिनाय आरो रेहाय होना आरो 'ज गाबनाय जादोंमोन। एन बि एआ बुंदोंमोनदि, बेफोरो सिगांनिफ्रायनो गुबुन गुबुन नेमखान्थि. आयेन बिथोमाफोर आरो कटफोरनि बेखन्थायाव दं। कट अफ कन्डाक्टआ बेखौबो बुडोदि, डिजिटेल प्लेटफर्मआ सोलिबोनाय फ्रिन्ट एबा टिभि मिडियानि थाखाय थाखायनाय मानदानाफोर एबा नेम-खान्थिफोरखौ फालिगोन। बेनिखायनो बेबायदि फसंथानफोरनि थाखाय माखासे उफ्रा नेमखान्थिफोरा गिलिर बिबान नडा। बेनिखायनो डिजिटेल मिडियाखौ नेमखान्थिफोरनिफ्राय 1य बाइजोयाव लाखिनो थाखाय बिसोरनि आर'ज गाबनायखौ गनायनो हाया।

भारत आव 70 सानफोरनि उनाव बयनिखुइबो खम केसआ सोराडव फैदो



गोदान दिल्ली, 12 जून: भारत आव थांनाय 24 घन्टायाव करना इनफेक्सननि गोदान केसफोरनि अन्जिमाया थांनाय 70 सानफोरनि गेजेराव बयनिखुइबो खम रिक्ड खालामदों। मिरुनि गाहाम देहा मावख'नि बायदिब्ला हादत आव थांनाय 24 घन्टानि समाव 4 रोजानिफ्राय बांसिन बेरामिफोरा थैदों। मावख'नि बायदिब्ला बे समआव 1,21,311 सुबुंफोरा इनफेक्सन जानायनिफ्राय मोजां जानानै देहा

फाहामसालिनिफ्राय डिस्चार्ज जादों। शनिबारआव फोसावनाय अन्जिमानि बायदिब्ला 24 घन्टायाव 84,332 गोदान केसआ सोराडव फैदों, जाय 70 सानफोरनि उनाव बयनिखुइबो खम जादों। आइसिएम आरनि बायदिब्ला भारत आव शुक्रबारआव करना भाइरासनि थाखाय 19,20,477 सेम्पलखौ टेस्ट खालामनाय जादों, थांनाय सानसिमाव गासै 37,62,32,162 सेम्पलखौ टेस्ट खालामनाय जाखांबाय।

दिनै लान्थियै 5 थि सानआव भारतआव 1 लाखनिफ्राय करना इनफेक्सन जानाय केसआ फैदों जाय थांनाय 70 सानफोरव बयनिखुइबो खम जादों। 8 जून आव हादत आव 86,498 गोदान केसखौ थिसनदोंमोन जाय 2 एप्रिलनि उनाव बयनिखुइबो खम जादों। 2 एप्रिल आव हादत आव 89,129 गोदान इनफेक्सन जानायनि केसआ फैदों। इनफेक्सन गोसारनायनि नैथि दोहोनि गोहोमजों मोगा-मोगि जानाय

इउर' काप फुटबल: गिबि मेच आव देरहानो हादोंब्लाबो इटालीआ टुर्नामेन्टनि फेबारेट टीम जानो हायाखै



गोदान दिल्ली, 12 जून: इउर' काप 2021 नि बादायनाया थांनाय हरनिफ्राय जागायबाय। रमाव इटाली आरो टुर्कीनि गेजेराव जानाय बादायलायनाय मेच आव इटालीआ 3-0 गलनि फारागाव देरहानो हायो। इटालीनि देरहानाया कम्परटेबल देरहानायमोन, गिबि हाफ समाव इटालीनि गेलै गिरिफोरखौ गोब्राब गेलेनायखौ नुनो मोन्दोंमोन आरो मोजाडै बलखौ दैदेनो हादोंब्लाबो सुबिदाखौ खोमाना लानां दों। नैथि हाफ आव टुर्कीनि डिफेन्डर क्लीयारेन्सआ गावनि टीमनि फारसेथिं बलखौ जोसोनो, जायनि उननिफ्राय इटालीआ सिगां फारसे आवगायनो हायो। बिनि उननिफ्राय इटाली टीमआ टुर्कीनि हेंथायाव गोखोडै गेलेनो आरो सिगांनि गलनि गोहोजों टुर्कीनि

हेंथायाव मोजाडै नो गरनै गल सोनो हाबावो। इटाली टीमनि इम्माबाइल आरो इन्सानएआ उननि गरनै गलखौ सोनो हायो। बिसोर सानैया माखासे बोसोरनिफ्रायनो सिरिज-ए थामहिन्बा इटालीनि जाना गल सोगिरि जाबोदों। इम्माबाइलआ लाष्या आरो इन्सानएआ नेरालनि जाना गेलेयो। फेबरेट गोरलैयैनो देरहाना फैनानयनि उनावबो इटालीआ टुर्नामेन्ट आव फेबरेट टीमनि महराव अनसायजानो हायाखै। टुर्नामेन्टनि फेबारेट टीमव वर्ल्ड उइनार फ्रान्सआ मुं आवग्रिना दं, थांनाय 3 बोसोरनि सिगां वर्ल्ड काप आव देरहासार जानो हादोंमोन। 1998 आव फ्रान्सआ जिनेदिन जिदाननि थुलुंगानायाव वर्ल्ड काप देरहानो हादोंमोन, बिनि उनाव 2000 आव इटालीखौ फेजेन्ना इउर' कापबो देरहानो हायो।

गोदान दिल्ली, 12 जून: बिहार आव मौसुमि बोथोरनि अखाया जागायजेन खांबाय। बिहारनि राजथावनि पाटनायावबो अखा हानायखौ रिक्ड कआळआणओ। भारत बोथोर बिफाननि बादिब्ला, फैनो गोनां सानथामसिम सहराव बारहुंखाजों लोगोसे अखा हागोन। बोथोरनि

अखा हानायजों बोथोरा मोजां जादों। मख 'जाथावदि, मौसुमि बोथोरनि अखाया लासै लासै गासैबो राइज्योफोराव सौहैबाय। माखासे राइज्योफोराव समनि सिगांनो मौसुमि बोथोरा सहैदों। महारास्ट्रयाव मौसुमि बोथोरा सौहैनयनि उनाव गोबां अखा हायो,

जाउनाव सुबुंफोरा थांलाय-फैलाय आरो खामानि मावनायाव जेना जानाडो। जायगा जायगा दै लोमसावनाने जेनाजों मोगा-मोगि जानाडो। बेनि उनाव मध्य प्रदेश आरो गुजरात आवबो मौसुमि बोथोरा सौहैबाय। मध्य प्रदेश आव हमदांना लानायनि सान 7 सिगां



मौसुमि बोथोरनि अखा हादों होन्ना नै बोथोर बिफाना मिथि होदों। जबलपुर आरो शहडल संभागनि जिल्लाफोराव बोथोर बिफाना अरेन्ज एलार्ट फोसावदों। उरिष्या आरो गंगाजों नांजाबनाय सोनाब बंगनि ओन्सोलफोराव गोखों अखा हानो हागौ। उत्तर प्रदेश, छत्तीसगड जों लोगोसे माखासे राइज्योफोराव अखा हानो हागौ। दिल्लीयाव थि खालामनाय समनि सिगां मौसुमि बोथोरनि अखा हागोन। फारसेथिं हाजोआरि राइज्यो उत्तराखान्ड आवबो बोथोरा सोलायनो हमदों। रिपर्टनि बादिब्ला, कुमाउ आव रोजा अखा हानायजों सुबुंफोरा जेनायाव गोलेदों, लामाफोरा बन्द जादों, जाम्फै, ट्रेनफोरा उरिफान दैजों।

डब्लिउ टि सि फाइनालाव इशान्तखौ बायजोयाव लाखिनाया गोरोन्थि जागोन: दिनेश लाड

WTC फाइनल भारत vs न्यूजीलैंड		
18-22 जून, द एजिस ब्राउल, साउथेम्प्टन (23 जून रिजर्व डे)		
बैटिंग में तेज गेंदबाज शार्दूल का औसत बेहतर		
इशान्त शर्मा		
101	303	746
टेस्ट	विकेट	रन
8.29 औसत		

मुम्बाइ, 12 जून: टीम इन्डियानि स्टार रहित शर्मा आरो शार्दूल ठाकुरनि कच दिनेश लाडआ वर्ल्ड टेस्ट चेम्पियनसिफनि फाइनालाव प्लेई 11 आव इशान्त शर्मानि जायगायाव महम्मद सिराजखौ लाफानायनि थाखाय बिजिनायाव राजि जायाखै। लाडआ हमदांना लादोंदि, जुदि भारतीय टीमनि साथाम गेलेगिरिफोरखौ गेलेहोयोब्ला इशान्त शर्मा, महम्मद शमी आरो जसप्रीत बुमराया जायगा मोननांगौ। जुदि साब्रे गेलेगिरिफोरखौ गेलेहोयोब्लासो शार्दूल ठाकुरखौ लाफानाया मोजां थांखि लानाय जागोन। वर्ल्ड टेस्ट चेम्पियनसिफनि फाइनाल मेचआ साउथेम्प्टन आव फैनो गोनां 18 जुनिफ्राय 11 जुनिसिमाव गेलेजागोन। बिनि सिगां टीम इन्डियानि आगु स्पेनार हारभजन सिंआ फोरमायदोंदि, जुदि गाव केप्टेन जानायमोनब्ला टेस्ट चेम्पियनसिफनि फाइनालयाव साथाम फास्ट बलारफोरजों ओंखारगौमोन आरो महम्मद शमी, जसप्रीत बुमराहजों लोगोसे महम्मद सिराजखौबो प्लेई 11 आव लाफागौमोन। लाडआ बुंदों वर्ल्ड टेस्ट चेम्पियनसिफ फाइनाल बायदि गोनांथार मेचआव खाबजाथाव नडै थांखि लानाया साबजाथाव नड। टीम इन्डियानि साथाम फास्ट बलारनि ओंखारनायाव शार्दूल आरो सिराजनि सिगां इशान्तखौ गोनांथि होनांगौ मानोना बिथाड सासे रंगथि थानाय बल खुबेग्रा। लोगोसे इशान्तहा साउथेम्प्टन आरो इलेन्ड आव गेलैनो हानायनि रंगथि गोनां। जुदि बिखौ लाना थाडो, अब्ला बिथांखौ गोनांथिथार मेचनि प्लेई 11 आव लाफाथारनांगोन। लाडआ सिगां फारसे बुंवावदोंदि, आनि बादिब्ला टीम इन्डियाआ निउजिलेन्डनि हेंथायै फाइनालाव साब्रे फास्ट बलारजों ओंखारनांगौ। शमी, बुमराह आरो इशान्तनि अनगायैबो शार्दूलखौ टीम आव लाफानांगौ। सा 5 बल खुबेग्राफोरनि महराव रबिन्द्र एबा आर अरविन्डखौ सासे नडब्ला सासेखौ लाफानाय खालामनांगौ।

सल' बाथा

गोदो-गोदाय

समानै बोराय आरो बुरै दंमोन। बिसोरहा रावबो गैयामोन। नाथाय बिसोरजों लोगोसे मासे मावजि बुन्दि दंमोन। बिसोरनि जोबोर असेमोन। मावजिया सानसे मोदोम बहा जादोंमोन। बिनिखायनो मावजि बुन्दिया ना बेदर जानो लुबैसो गारदोंमोन। बुरैया एवना दोन्नाय ना फ्रायखौ मावजि बुन्दिया खानानै जाजोबबाय। बुरैया ओंखाम खुरब्ला नुबाय नाफ्रा मासेबो गैला। मावजि बुन्दियानो जाबाय सान्नानै बुरैया खादोंजों मावजिखौ

खुसि जानायसै। सानसेखालि बोराय-बुरैया मारखि बेरामजों हरखाब थैलानायसै। मायदांश्रा आरो बिदांश्री बिब'-बिनानाव सानैबो हाजासे गाबबाय। बे सानावनो बबेनिबा सासे जौ फाग्ला दुथां राजाया गावनि गरायाव गाखोनानै बेराय ग्लांफेदोंमोन। दुथां राजाया मायदांश्री आरो बिदांश्रीमोननि गाबनायखौ खोनाहै नानै नायफैयो आरो बिसोरनि बादि गाबनायखौ बिमा मावजिया बुरखायगासिनो दंमोन। मावजिनि बुरखायनाय रावखौ खोनानानै दुथां राजाया गोमोहाबो। दुथां राजाया खाथियाव थांना

मावजिनि मानै फिसाजो

बुथारनो होहांब्ला मावजिया आथिं खबजबनानै बुंबाय- 'दहाय, आंखौ बुब्ला फाप नांगोन। आं नोंसोरनि नख'रनि लक्षी। आंखौ दाबुथार। आंखौ बुथारब्ला नोंसोर सानैबो जोबसांगोन। खोनासं, आंनि मोदोमा बहा जाथारदों। आंखौ बुथारब्ला नोंसोरबो थैगोन। बेनिखायनो जेब्ला आंनि मोदोमनि जिनिदआ जेब्ला नुजाफैगोन अब्ला बेखौनो नोंसोर फिसा बादि खां आरो बेनो जागोन नोंसोरनि असे फिसा।' मावजि बुन्दिनि बाथाखौ खोनानानै बुरैया मावजिखौ अन्हांनायसै आरो बेनो एसे ओंखाम जानो होबावनायसै।

बुंनायसै-'नोसोर बेबादि जालाखार-बिलाखार दागाबसै स'नाफोर। आं नोंसोरखौ आंनि राजथावनियाव लानानै गोजोतै दोन्हैसिगोन।' अब्ला बिमा मावजिया मेगन गिदिर खिन्थाना खान्नां रावजों बुंदों-'हरा माथो आंनि फिसाजो नों बादि जौ फाग्ला दुथां राजानो।' राजाया मावजिनि रावखौ खोनानानै गावनि जान्जिनि थुंग्रिजों दान्थारनो बख' हां जाब्लाबो मावजिया लामफैथा होनायसै। दुथां राजाया मायदांश्री आरो बिदांश्रीखौ गावनि गरायाव दिखानानै लानानै राजथावनियाव लांबाय। होमब्ला बिमा मावजियाबो गरायनि उन उन खारलांफानायसै। नाथाय बिसोर नुनो मोनाखै। मावजियाबो राजानि राजथावनियाव हाबनानै थानायसै। मावजिनि मेव मेव गाबनायाव फारियाफ्रा राजानो खिन्थाहै बाय। राजाया बाथाखौ खोनानानै असम्भाव जायो आरो गोखैनो मावजिखौ बुथारनो हुखुम होयो। मावजिया राजानि राजथावनिनि बबेबा खना फासँ थाखुमायो। फारियाफ्रा जाय फारा-फारि नागिरनायसै। जेरावबो नुनो मोनैलाय बयबो गैला गैला सानबाय। थैवब्लाबो बयबो फारियाफ्रा साग्रिद जादों। दुथां राजाया बिब'-बिनानाव सानैखौबो दोलै-नोगोरै हाबा खालामनानै लाबाय हर जालांबाय बयबो गोदो गोदो उन्दुलांबाय। राजानि राज अन्दराव हाबनानै थाखुमानाय बिमा मावजिया मायदांश्री आरो बिदांश्रीनि गोदोनानि थाबसिखौ अरस'नानै होगारनायसै आरो सानैबो मावजि जाफिन्नायसै। थोरि माय जिगाबनि न'यासो गोजोन। स'ना नख'रावसो फिसा हिन्जावखौ बिलायगोन॥

सानसेखालि मावजि बुन्दिया फिसा मानै होमारबाय। फिसाफ्रा मानैबो बुन्दिमोन। मावजि फिसाखौ नुनानै बोराय-बुरैया जोबोर अन्हांनायसै। बिब्दिनो मानैबो मावजिया अखाफोर देरनाय बादि सानफा-एफा देरलांबाय। बोराय-बुरैया मानैनिबो मुंखौ मायदांश्री आरो बिदांश्री दोन्नायसै। सानसे सिमाडाव मावजि बिमाया बुरैनि सिगाडाव सोफोनयदों एबा बुंदोंमोन-'खोनासं खोनासं लामा दथानि मुगासं आंनि बाथाखौ एसे खोनासं। सिफुंनि गरं गरंबा थायगिरनि कडा खंबा, बाथीनि बान्दो बान्दोबा, सिजौनि सिरि सिरिबा आरो बर' बोरायनि रावआबो फंबा। आंनि फिसाजो मानैखौबो मानसि महराव मोनो लुबैयोब्ला बिसोरनि गोदोनायाव फिथोबआव माय बेगर गरबा गरबा सोना होनानै गान्दो। होमब्लानो बिसोर मानसि महर मोनगोन।' अखानायै बुरैया सिमानि बाथाखौ बोरायनो खिन्थानायसै। बोराय-बुरै सिमानि बाथा बादिनो मावमारनायसै। जेरै राव एरै फाव। मा मैया मैया राव जाखो? बोराय-बुरै सानैबो सोमोनांबाय। मानैबो समायना-रमायना जारौ-मारौ जेन' बुहुम निखुइबो समायनायिन। फिसाजो सानैखौ मोनानै जोबोर

बोसोन:-दुथां जाब्ला मालायजों मुगैजायो।

मुसि सन्जय दैमारि बिजनी

फुं बिलि

अखा नायबाय सोरां जाबाय खोमसिया गोमोरलांबाय स्रां जाबोबाय, सानाबो सानजाहा जारौ-रौ महरै नुजाबोबाय दावसिन-दावलाफोराबो सिरि मोनबाय रैसुमै देखोजों गोदै गारां बोबाय। फुंबिलि गुसु सुदेम बाराबो बारलांबाय बयनिबो गोसोखौ गोजोनगलायहोबोबाय सम फैबाय एमखौ नागारनायनि बुहुम बिखायाव बयबो रंजा-बाजायै, गोसो-खुसियै मोसागलांबाय। फुंबिलिनि गोजोन बुब्लिखौ बयबो दान्दिसे लोगो हमनो आगान सुरहाबबाय दिनैनि बे बेसेन गोसा दिनखौ, माबोरै गोजोन होनो हानो।

उतपल बसुमतारि बिजनी।

आंनि जिउ

आं जिउखौ बेसेन होनो रोडखै, जिउखौ आं दुखु होपलांबाय। बबे समाव रंजानाय फैयो बबे समाव सुखु गोजोन फैयो हमांस' हायासै आं। जिउखौ बेसेन होनो रोडैयाव जाबा आं दुखुनि मोदै। बेनो नामा आंनि खाफालनि लिरनाया; बे जिउ मोनसेखौ लानानै रंजानाय, गोजोन गैला। जिउखौ लानानै खुसिनि देखोसो रिंखाहोनांगोमोन। नाथाय दिनै दुखुनि देखोयासो जायगा आवग्रिना दं। बेनो नामा आंनि जिउआ!!

मोसुमि दैमारि बिजनी

गारबोनाय समनि जाथाय

गोसोखाडे आं दाबो गारबोनाय समनि जाथायखौ; साफिफैबाय थायो दाबो आंनि सिमाडाव बै समनि जाथाय मा खालामनानै बावगारनो आं बावगारनो सानब्लाबो बावगारनो हाया। मा जानानै बावगारनो हायै जाखो आं गोसोयाव सानब्लाबो सानस'नो हाला सानै-सानैनो आंनि गोसोया गुवार लैथोनि बिखायाव गोजावलांबाय, मिथिस'नो हायै जाबाय आं मा जानानै फैखो, आंनि गोसो मोदोम जिउआ मानो बेबादि जाखो; गेलेनांबाय थाबाय आं बै समजोंबो बेसेबा गुवार बुहुम बिखायाव।

शरायना बारफु बसुमतारि

गोसोनि बोहैनाय खालि

नुजाफेदों आं दिनै बे फैलाव बुहुम बिखायाव नों रजेनि मिजिं लानानै नाथाय सानसनो हाया आं नोंनि गोथौ गोसोखौ सानो नों अराय मादि? अब्लाबो सानसनो हायै आंनि गोसोआ नोंखौल मानोदि हास्थायदों आंनि बे जोनोमसे जिउआव बावहरदोंमोन आं नोंनो बै समाव, गुफुर बिलायाव गोजा गाबनि बेसेन गोसा गोसोनि बोहैनाय खालिजों, गोथार गोसो गोबॉनि अन्नायखौ। नाथाय जानो हागौ आंनि हावरिआ जिउनि अन्नाया नोंनि थाखाय बेसेन गैयै जानांदों हावरिआ दिनै आंनि जिउआ नोंनि थायनै मेगनाव, समाया आं दिनै नोंनि सेराव, अब्लाबो संसारनि समायना-रमायना बिबारनि सुजुनाय लु लानानै थागोन आं नोंखौनो नेनाने बे मुगासे जिउआव; नंखाय नडमोन अनजालु आंनि बै नोंनो गोसोनि बोहैनाय खालिजों गोबॉ बिखानि अन्नाय बावहरारा, दड नों अनजालु दासिमबो आंनि गोसोनि फानजारिआव थागोन नों आंनि जोबथा हां बोजासिम नों अनजालुखौ लानानै सुजुनाय बे गोसोनि खन्थाय; फोरमाय जाबाय दिनै आंनि बै गोसोनि बोहैनाय खालिजोंनो।

शरायना सजिता बसुमतारि

रंजालि गथ' फोरनि सौरा

होनबावनो मा आं मोजोमसे अननाय

होनबावनो नोंनि सिगांयाव मा आं मोनथिनो सोर आंनि दाहाखौ दुखुखौ सानो आं बावगारनो महरखौ नोंनि मोनो नाथाय होबायनों आंखौ दुखुनि मोदै। नोंखौ आं आगौमोन लानो बजबनानै आंनि नाथाय जिउआव दुखुथिया मानोबा मोनो आं लाजिनाय मुगैनाय मानो आंनि मोदैनि थरथिंसे दाहारखौ मानोबा। सुरनांखे मानोबा आं सुखु-दुखुनि हांमा आलारि बाथि अरायसमनि लानानै गुयुब हान्थु खरायनानै "बाथी" बोरायनाव बोर बियो आं आफा "शिव" बोरायनाव। गैया गोसो होनो बिसोरखौ थैवबो सोरनोबा होदों दोन दौलर बिसोरबो होदों गरिब-गुन्द्रा सोरनिबा नखराव इसोराबो बेबायदिनो सिनाय मोनला गरिब गुन्द्रा। गैयामोन एना-एनि सुबुं माहारि गेजेराव खौसेयाव थानायमोनब्ला सुबुं माहारिआव जिउ खोमानांखे सोरबाबा आस'खन्दा, जानानाय नडमोन थैनि बाना सोरबाबा। बुथार जानाय नडमोन सोरबाबा नायगार नायगार जाथाय गैयामोनब्ला बेफोर बायदि-गासैबो सुबुंयानो बिदा-फंकाय, बिमा-बिफा सुख सान्थिडे रायजोनाय बायदि नखरसेयाव। मालायखौ मुगै नाड बेफोरखौ सानानै सोखारिनो नड, गुबुन हारिखौ देरगानो नाड गावनि दोन दोलरखौ लानानै बेफोरजादों दिनै राजा, गावनि फोरजा। गेलेनाय गासैबो इसोरनि माइआसो-राबो रावखौ खालाम नाड हेंथा हेसि मालाइनि जानाय थाखायखौ दुसिनाड बयबो रावनिनो आंगो बिमा-बिफा। रावबो नड, गावनि आंगो असे"-

मुसि मोकथों कुमार ब्रह्म दत्तया गोजीसिन फरायसाली गामि - श्यामशरयारा।

बुब्लिनि गुथालजों बोहैबोनाय बोथोरनि बै आइराखिआ लाबोयो अराय दुफानि जावलिआ बारखौ। दुफानि थिं थिं सान्दुआव गोजोन होनाय बिफां गुदिनि सायखुत्तुमाव खोलो खोलो बारनाय बारा मादि सानसि बेरखांहोयो गोसो गोबॉआव। दुफानि मोनथोरजों सान्थ हायै सुबुं जिउसाफोरा बोदोर जानाडे। थारैनो बे बोथोरा सुबुंनि गोसो जिउआव बायदि गोहोम खोख्लैयो। बे बोथोरनि दोहोआनो लाबोदों दिनै बे मोजां मोन्नायखौ मादि भावथिना। सान्थ हायै माया संसारनि जेंना-जेंगोनाफोरखौ एंगार-एंगार सम नायगिर नायगिर गोसो खाडे आं नोंनि मोजोमसे अननायखौ।

तिकेन्द्रजित देवरी

अनसाय गोसो

बिदिन्थानि गेजेरजों मोजां गात्रि मावनानै अनसायनाय गोसोआ हास्थायो अरायबो गाहाम हगार सारबाय जों ई 2007 माइथायनि बोसोर गोजाम गुस्तायसुलि बे बाहायआरि मुगाआव अनसायनाय गोसोजों जुजिनो बायदि मिजिक थांखि लानानै। बरायनि जों 2008 ई मायथायनि बोसोर गोदान। गोसो गोथार अनसायनाय गोसोजों थांखि लाबाय। बुब्लि एबा समजों गोरबना थांखिखौ आगान सुरगोन नेनानै थाया जों रावनिबो लेहेम आखु, गिनाय लाजिनाय मुगैनाय गैयाजासे आबूथि गोनां आखुथायजों नाजादिनि। बोखानो गोजौसिन मासि बर' बिमानि राव थुनलाइ जों फुजिनि गोसो गोथारि मिथिसार जानि बुहुमाव सोलोगोन नों बर' बिमानि रावजों बेनो जाबाय जौनि गोदै गोथाव राव। अनसाय गोसो लाना अराय जुजिनो बे बाहायआरि मुगाआव बर' राव, गेवलां सारथों थुनलाइ बर' रावनि जों बर' हारि। जों सोलोगोन-बिमानि रावजों गेवलांसारथों बर' नि राव थुनलाइ थांना थाथों बर' बिमानि राव।

बिरखां बसुमतारि गामि- सा- बेरगाव ला:सो:- चरायकला जिला- कक्राझार बिटिसि (आसाम)।

गोथै शह'

सोर जाखो नों? बे लामायाव गोलैना थानाय निजोम दलर सोलेरा। सोर सुथुरा नोंखौ सिथार लांखो? मबे जमा नोंनि जीउखौ लांखो? रावबो नोंखौ दिनै सिनाय लिया। रावबो नोंखौ दिनै अनसायलिया दावखा-सिला, शियाल-शिगुनफोराबो नोंनि शह'खौ मानोबा बोगर फैयाखैसै। जोहोलावमोन नामा नों सासे? समाज सिबियारिमोन नामा नों सासे? नोंनो मोन नामा बै बिग्रायारीया? जानांबाय दिनै आलाइ-सिलाइ, सोर बिमाया नोंखौ अनसाय बावनो, सोर बिफाया नोंखौ खनखां बावनो सिखिरि मानसिया नारश्रेट-जोश्रोद मुगैलांबाय, लामानि गोथै लामायाव थानांबाय। रावबो नोंखौ दिनै सिनायाखैसै, रावबो नोंखौ दिनै मान होयाखैसै। सुबुं समाजआव मोनाखैसै नों थरथिंसे अन्नाय, बुहुमाव मोनाखैसै दखरसे गोथैसालि आय' मा बरात स'ना नोंनि।

शरायना अल'खा ब्रह्म गामि- गामालि (दत्त मा)

समाज बसुमतारि गामि- सा-बारगार ला:सो:- चरायकला जिला- कक्राझार बि टि सि ।

(1 बिलाइनिफ्राय)

(1 बिलाइनिफ्राय)

(1 बिलाइनिफ्राय)

बाकसा जिल्ला एबसुआ 34 थि बड'लेन्ड मुंख्लं सान फालिदों

बाथि फोजोडे। मुंख्लं खाम्फायाव बिबार बाउजेनायनि बिबुंथियाव बिथां बसुमतारिआ आलादा रइज्यो बड'लेन्ड सोमावसारनायनि बागै गुवारै फोरमायथिनांने बुडेदि, 1987 माइथायनि 12 जुन खालारव आलादा रइज्यो दाबिनानै गुवाहाटीनि जर्ज फोथारव खुंनाय मोनसे हाबाफारियाव बाहागो लानानै गिर्दिबोफिन्यायनि उनाव फैबाय थानाय समावनो दुथांफोर आथिखालनि नलबारि जिल्लानि तिहु चकआव गारियाव अन्थायजों खुबैनायाव सुजित नार्जारिनि खर'आव नाडे आरो थैनो गोनं जायो। बिथांनि थैनाय सानखौनो आथिखालाव दुलाराय बर' माहारिया बड'लेन्ड मुंख्लं सान महैरै फालिबोदों। मानोना आलादा रइज्यो दाबिनानै बिथाडनो गिबिसिन मुंख्लं। बेबायदिनो सुजित नार्जारिजों लोगोसेनो बड'लेन्ड रइज्यो दाबिनायाव मुंख्लं जानाय साप्रोमबो गेदेमा सुबुंफोरखौनो मान होनानै दिने बड'लेन्ड मुंख्लं सानखौ फालिनाय जादों।

रायमना माहारियारि हाग्रामानि हाबग्रा दरखंखौ रायमनायावनो खालामनो ओन्सोलनि रइजो-राजाफोरनि दाबि

आरो हाग्रा बिफाननि मन्थि परिमल शुक्लबैधआ बेखेवनानै होफेदों। रायमना हाग्रामाखौ माहारियारि हाग्रामा महैरै फोसावनायाव दुलाराय बि टि आरजों लोगोसे जर'खायै कक्राझार जिल्लानि सुबुंफोर गोजेन्नाय आरो रंजाखानाय मोन्दं। नाथाय कसुगाव रायमना ओन्सोलनि माखासे सुबुंफोर नेसनेल पार्क फोसावनायखौ बरायनाय आरो गोजेन्नाय मोन्दोंब्लाबो मोनसे आयदाखौ लानानै गोसोयाव गोजेन्नाय गैयै आरो खुद्रिनाय फोरमायदों। मानोना थानाय गोबाव समनिफ्रायनो रायमना ओन्सोलखौ माहारियारि पार्क फोसावनंगौनि थाखाय बिफाननि गोबां बिबानगिरिफोर रायमना ओन्सोलावनो नायबिजिरफैबाय थादोंमोन। रायमना ओन्सोलनि गासै गं 52 गामिनि रइजो-राजाफोरबो बे बेलायाव आबुडे मदत होबोदोंमोन। नाथाय रायमना ओन्सोलनि मोन 52 गामिनि रइजो-राजाफोर मोनसे बाश्राखौ दुखु मोन्याय फोरमायदोंदि, मानोना रायमना नेसनेल पार्कनि हाबग्रा दरखं लामाखौ रायमनायाव खालामालासे गुबुन जायगाजों खालामदों। बेनिखायनो हाबग्रा दरखं लामाखौबो रायमनायावनो खालामानंगौ होनानै ओन्सोलनि रइजो-राजाफोर दाबि खालामदों। फेगों समाव आसाम सरकार आरो बि टि सि सरकारा मोजाडै नायबिजिरफिनानै हाबजेनग्रा लामाखौ रायमनायावनो लाबोफिनो दाबि खालामदों नडब्ला गुबुन आयेननि राहा लामा लानाय जागोन होनानै खौरंगिरि मेलनि गेजेरजों मिबथिहोदों रायमना ओन्सोलनि रइजो-राजाफोर। दिने रायमना एनजिअ'आ ओन्सोलनि रइजो-राजाफोरखौ लानानै बे बाश्राखौ खौरंगिरि मेल खुंनयनि गेजेरजों फोसावदों।

भवानिपुरआव आयेन बेरेखा 24 रोजा लिटार थावखौ पुलिसआ बोखांदों

गलियाआव 31 नं माहारियारि राजा लामाजों नांजाबनाय गंसे धाबानि उनफासं सिग्रोमनाय हाबाफारि लानायनि गेजेरजों गंसे गाजिं लोगोसे आयेन बेरेखा थावखौ बोखांनो हायो। दिने फुनि 9 रिगासो समाव भवानिपुर पुलिस थानानि बिबानगिरिया मोनसे संगालि सुलुनि बिथायाव गलियाआव 31 नं राजा लामाजों नांजाबनाय प्रनाम मुंनि बन्द जानानै थानाय गंसे धाबानि उनफासं गासै गं 33 ड्रामजों आबुं गासै 24 रोजा लिटार आयेन बेरेखा पेट्रल-डिजेल थावफोरखौ बोखांनो हायो। लोगोसे आयेन बेरेखा थाव रोगाग्रा ए एस 19 चि 1425 नम्बरनि बलेर' पिक आप भेनखौबो हमनाय जायो। बै जायगायाव पुलिसनि हान्जाया नुजाथि हैनाय लोगो लोगो थाव सिखावफोरा जायगानिफ्राय खारखुमालानो हायो। बेराफासं गलियाआव गारिजों लोगोसे आयेन बेरेखा थावफोरखौ हमनायनि दान्दिसे समनि उनावनो भवानिपुर पुलिस थानानि सिडव थानाय 31 नं राजा लामानि साखाथियाव गुबुन गंसे धाबानि लांगोना मोखांनिफ्राय सन्देहनि बिथायाव गंसे थावनि टेंकारखौ हमनाय जायो। बे जाथायनि सायाव पुलिसआ नायबिजिर गासिनो दड' होनानै मिथिनो मोन्याय जादों।

मुसलपुरआव हाथियारजों लोगोसे साबा दाकातफोरखौ हमदों

फ्रायनो बैसोर साबा दाकाइतफोरा पुलिसनि मेगनाव हाद्रि सारनानै खारखुमाबोदोंमोन। मिथिनो मोन्याय बादिब्ला थानाय बोसोरनैनिफ्रायनो माइक्र फाइनान्सनि मावफारियाफोरनिफ्राय रं लुथिबोदोंमोन दाकातनि हान्जाया। थानाय सप्ताहसे सिगां दाकाति हान्जाया बरमा-मुसलपुर लामानि खारुवायाव नोगोद 60 रोजा रं लुथिदोंमोन। बाक्सानि नोदानै थिसनजानाय एडिसनेल एस पि उज्जल प्रतिम बरवानि दैदेन्यायाव डि एस पि प्रनबन्थति कलिता, बरमा आरो मुसलपुर थानानि बिबानगिरिनि संदानग्रा हान्जाया दाकातिनि हान्जाखौ हमनो हायो। हमनो हानाय साबा दाकाइतफोरखौ अन्जन् दास, गपेस दास, हिर्मांसु हालै, कुलदिप रय आरो खनिन डेका होनानै सिनायथिदों। हमनो हानाय दाकातफोरनि आवथनिफ्राय गंसे पिप्टल, गंबा मबाइल फन, ए एस 28-7338 आरो ए एस 28-2427 नम्बरनि गंनै मटर साइकेलजों लोगोसे ए एस 01 टि 5382, ए एस 01 इ के 3435, ए एस 28 बि 9509 नम्बरनि गासै गंधाम साखा खुब्रै गारिफोरखौबो पुलिसआ बोखांनो हायो। रं लुथिनाय जाथायजों लोब्बा गोनं गुबुन सानै दाकातफोरा खारखुमानानै दड' होनानै पुलिस सुलुड फोरमायो।

रबिता राभा आरो समायना राभानि फासि नांना थानाय जाथायखौ कक्राझार जिल्ला एबसुआ दुखु फोरमायदों

खौरंखौ मोन्नानै कक्राझार जिल्ला दुलाराय बर' फरायसा आफादनिफ्राय गोथौयै दुखु मोन्याय फोरमायदों। लोगोसे दुखुथिया नख'रनिमिसि दुखु फोरमायहरनानै बिसोर सानै हिन्जावसाफोरनि जिउमाया सोगोंआव आलो गोजेन जायगा मोन्नो हायो बेनि थाखाय आनान गसाइनाव आर'ज गाबो। बे जाथाया ओन्सोलाव मोनसे दुंहाव थासारि सोमजिहोनायजों लोगोसे खेबसेयैनो सानै हिन्जावसाया फासि नांना थैनायाव गिखांनय सोमजिहोदों लोगोसे सान्नो गोनं जादों। बेनिखायनो बे जाथायखौ मोजाडै मायबिजिरनो थाखाय कक्राझार जिल्लानि पुलिस बिफानखौ कक्राझार जिल्ला दुलाराय बर' फरायसा आफादनिफ्राय दाबि दैखांदों।

गाहाय फोरोंगरि बिमन्त बसुमतारीया गैलिया

फोरोंगरि बिमन्त बसुमतारीया थानाय 10 जुनखालि फुनि समाव गावनि न'आवनो जोबथा हां बोयो। मिथिनो मोन्याय बादिब्ला फुनि समाव गावनि देहाखौ मोजां मोनैनि थाखाय द'से सम बिसिनायाव उन्दुदोंमोन। दसे सम उन्दुनायनि उनाव सिखारनो नाजाब्ला बिखाया खामानि मावैनि जाहोनाव सिखारनो हाया जायो आरो बे समावनो बिथाड जोबथा हां बोयो। ओन्सोलनि गासैबो सुबुंफोरनि गेजेरा मुदांखा फोरोंगरिया अबथिरायै रूसारि जालानायाव ओन्सोलनाडैनो दुखुनि सायखं सामलोबहोयो। रूसारि जानाय समाव बिथाड बिसि, सानै गथ', सानै बिफं आरो सानै बिनानावफोरखौ बे बहुमाव अरायनि थाखाय नागरलाडे। गाहाय फोरोंगरिनि अबथिरायै रूसारि जालानायाव फुकागाव गुदि सोलौंथाय मिरुनिफ्राय दुखुथिया नखरनिमिसि गोथौ दुखुमोन्नाय फोरमायहरो।

आसामआव सानफ्रोमबो 3 लाख सुबुंफोरखौ भेक्सिन होनो थांखि लादों

होनानै मिबथहोबावदों। शनिबारसिमाव रइज्योयाव 18-44 बोसोर बैसोनि सुबुंफोरनि थाखाय 3,80,900 भेक्सिननि डजआ थुबिल दड आरो 40 बोसोरनि बांसिन बैसोनि सुबुंफोरनि थाखाय रइज्योयाव 2,43,460 डज भेक्सिन दं।

कक्राझारआव 34 थि बड'लेन्ड मुंख्लं सान फालिदों

सान फालिनाय हाबाफारि बादिदै फुंबिलि समाव एबसुनि आफादगिरि दिपेन बर'आ आफादनि फिर्फिलाखौ बिरहोखानायनि उनाव मुंख्लं सुजित नार्जारिनि गोसोखां खाम्फायाव बिबारजों मान बाउनायखौ जागयो। बिबारजों मान बाउजेन्दोंमोन मुंख्लं सुजित नार्जारिनि बिफा मंगलसिं नार्जारिआ। बेनि उनाव दुलाराय बर' फरायसा आफादनि आफादगिरि दिपेन बर' आरो गाहाय नेहाथारि कनिन्द्र बसुमतारि मोनजों लोगोसे हाबाफारियाव बाहागो लानाय आफादनि गासै दैदेनगिरि-सोद्रोमाफोरबो फारि-फारियै मुंख्लं खाम्फायाव बिबारजों मान बाउयो। बे हाबाफारियावनो माननि आलासि महैरै बाहागो लानानै आसामनि केबिनेट मन्थि उर्खाव गोर ब्रह्म, एम एल ए लरेन्स इस्लारि, एम एल ए जयन्त बसुमतारि मोनहाबो बाहागो लानानै मुंख्लं सुजित नार्जारिनि गोसोखां खाम्फायाव बिबारजों मान बाउयो। बुब्लियावनो दुलाराय बर' फरायसा आफादनि आफादगिरि दिपेन बर'आ खौरंगिरिनि मोगा-मोगियाव बुंदोंदि, बड'फा उपेन्द्र नाथ ब्रह्मनि दैदेन्यायाव बर' हारिनि रैखाथि, उदांसि आरो थामोन्थानि थाखाय आलादा बड'लेन्ड रइज्यो सोमावसारनायनि थाखाय थानाय 1987 माइथायनि 12 जुनखालि सुजित नार्जारिआ बड'लेन्ड सोमावसारनायनि गिबि मुंख्लं जादों। मुंख्लं सुजित नार्जारिनि मुंख्लं जानाया बर' हारिनि थाखाय बेसेन गोनं आरो ओंथि गोनं। बेनिखायनो दुलाराय बर' फरायसा आफादआ थानाय 34 बोसोर समनिफ्राय दिनेंसिम बड'लेन्ड सोमावसारनायनि गिबिसिन मुंख्लं जानाय हिसाबै सुजित नार्जारिनि मुंख्लं सानखौ बड'लेन्ड मुंख्लं सान महैरै फालिबोनायजों लोगोसे बड'लेन्ड सोमावसारनायनि मुडै जिउ बाउसोमबोनाय 5 रोजानिबो बांसिन जोहोलाव-जोहोलावजोफोरखौ गोसोखानानै मान बाउबोदों। बिथांमोननि जिउ बाउसोमनाया बेखारव थांगारखे आरो बिथांमोननि सिमंखौ जों जाफुंहोनांगोन। बिथांमोननि जिउ बाउसोमनायनि गेजेरजों दिने बर' हारिया बि ए सि, बि टि सि आरो बि टि आरखौ मोनसेनि उनाव मोनसे मोनफुनो हाबोदों। आलादा बड'लेन्ड रइज्योखौ मोन्नो हायाखैब्लाबो बि टि आर गोरोबथानि गेजेरजों जैरैबायदि गोहोफोरखौ मोन्नो हादों बेफोर गोहोफोरखौ मावफुंजोबनो हायोब्ला आरो राजखांन्थियारि लामाजों सान्थियैजुजिलांबाय थानो हायोब्ला आरो गोजेनो गायसनलानो हायोब्ला मोनसे आलादा रइज्योजों समान मर्यादा एबा मोन्थायखौ मोनफुनो हागोन। बर' हारिया नाजानाय आरो जुजिनयनि गेजेरजों जेब्लायबो मोनसेनि उनाव मोनसे आवगायबोबाय थानो हादों। बेनिखायनो बर' हारिनि थाखाय जिउ बाउसोमनाय मुंख्लं जोहोलाव-जोहोलावजोफोरनि बिहोमा होलानायखौ बावनानै थाडल्लासे जेब्लायबो मान होलांबाय थागोन। थासारिया जुदि मोजां जायोब्ला फैबाय थानाय समफोरव दुलाराय बर' फरायसा आफादा बड'लेन्ड मुंख्लं सानखौ साबसिननिफ्राय हामसिन आरो मेहेर गोनांसिनै खुंफुलांगोन आरो बड'फानि जाय सिमं जैरे- बर' हारिखौ गेरेमसा हारि दाफुनाय, बर' हारिखौ मुलुगनि गेजेराव सिनायथिहोनाय बेयो दुलाराय बर' फरायसा आफादनि मावनां खामानि आरो बे खामानिखौ सिगाडव लानानैनो दुलाराय बर' फरायसा आफादा खामानि मावलांनो आगान सुरदों होनानै दुलाराय बर' फरायसा आफादनि आफादगिरि दिपेन बर'आ खौरंगिरिनि सिगाडव फोरमायथिबावदों।

बड'सानि आर'ज

बड'साया आनि नोंथानि आरो बयनिबो। सानसेयारि "बड'सा"
खौरंलाइआ बयनिबो अन्नाय आरो अन्सायनायजों ओंखारगानिसो दड'आरो ओंखारलांबाय थागोन।
बर'नि राव, हारिमु, थुनलाइ, राजखांन्थि, समाजखांन्थि आरो बाइदि बिथिडे'खहाबगोनं लिबरिदांजों लोगोसेयैनो सोलिफु जाथायनि दुबुत खौरं मिथिनोब्ला सानसेयारि "बड'सा"
खौरंलाइखौ बाय आरो फराय, बड'साखौ नोंथानि अराय अंगो लोगो खालाम।

सुबु आफाद
खावसेयादि बड'सा खौरंलाइ
माइबां नोगोर, जे.डि.रुड, बिटिसि

बड'सा प्रेस

सिखोन-साखोन आरो
गोखेनो बाइदि रोखेमनि फोसाव
बिलाइ, राइटि पेड, हाबानि कार्ड आरो
बाइदि बाइदि बिजावफोर सेबखानानै दिहु-नोब्ला
'बड'सा' प्रेसआव सुलाद लाफे।
बेवहाय लेटार प्रेसनि अन्नायबो डि.टि.पि.
कम्प्युटर बुखानानै लेजार प्रिन्टार, स्क्रन प्रिन्टिं,
दतमेट्रिक प्रिन्टार आरो अपसेट प्रिन्टारव लोगो
लोगोनो साफायनानै हरनाय जायो।

बड'सा प्रेस
माइबं नोगोर, कक्राझार।

पाखामारायाव दिरिं दैसानि हा खुरखानायखौ होबथानायनि राहा लादों राइजो-राजाफोरा

मोनसे ओन्सोलनि सुबुंफोरा जेनाखौ लानानै सानफ्रोमबो जिगासिनांदों। जेबो राहा गैयै जानानै सरकारखौ नेबाय थायालासिनो दिने ओन्सोलनि राइजो-राजाफोरा ज' जानानै गावआरियै हा खुरखानायखौ होबथानायनि राहा लायो। बाक्सा जिल्लानि मुसलपुर महकुमानि सिडव थानाय पाखामारायाव गोलाव समनिफ्रायनो दिरिं दैसाया हा खुरखाबोबाय थाबोदों हा खुरखानायनि जाहोनाव पाखामारा गामिनि खमैबो गं 15 नखरफोरा गोबां बिघा न' बिथा आरो आबाद हाफोरखौ खोमानानै लानो गोनं जादों। दैसारि रगुड सोलायनानै खोला-सोनाब दिगआव बोहैनो हमनायाव गामिया गोबां खहा जाबोदों। थानाय 10 बोसोरनि सिगां दैसानि रगुड आथिखालाव थानाय जायगानिफ्राय खमैबो 50 मिटार सानजाहा फासं दड'मोन। बे बिथिडव राहा लानो थाखाय गामिनि सुबुंफोरा खुंथायनिमिसि गोबां खेब खावलायहरदोंमोनब्लाबो दिनेंसिम खुंथाया जेबो राहा लायासै। आसाम सरकार आरो बि टि चि सरकारनि ओन्सोलारि दैदेनगिरिफोराबो बे बिथिडव जेबो रोखेमनि राहा लायासै। ओन्सोलनि राइजो-राजाफोरा अजद होनाय बादिब्ला हाग्रा बिफाननि मेगनाव हाद्रि सारनानै माखासे सुबुंफोरा आयेन बेरेखायै अन्थाय-बाला फालांगि खालामबोनायनि जाहोनावनो ओन्सोलाव बे बायदि हा खुरखानाया सोमजिदों। गामिनि सुबुंफोरा गोदानै दाजानाय राज्यो आरो बि टि चि सरकारनिमिसि बे बिथिडव राहा लानांगौनि दाबि दैखांदों। पाखामारा गामियाव हा खुरखानायनि जाहोनाव हरकान्त बरुवा, हलधर बरुवा, जगत दास, हरिप्रसाद शर्मा, कनक राजबंशी, फिसर शर्मा मोननि बिथा हाया बोहैखार लांनयनि अन्गायैबो 1 नं खामरिगाव एल पि फरायसालि, गंसे शिव मन्दिर, पाखामारा रेसम फार्मआबो खुरखालानायनि लामायाव दंसे। ओन्सोलनि सुबुंफोरा बुडेदि मोनफ्रोमबो बिसायख'थिनि समाव दैदेनगिरिफोरा पाखामारानि हा खुरखानाय जेनाखौ सुभानो खोथा होयो। नाथाय बे बिथिडव दिनेंसिमबो जेबो राहा लानायखौ नुवाखै। थानाय बोसोरफोरावबो जिल्ला बेंगिरिया बेनि सायाव राहा लानायनि बाश्रा बुंदोंमोन नाथाय बेबो जाफुडसै। बेनिखायनो दिने गामिनि सुबुंफोरा ओंखारबोनानै गावआर रं आरो ओंवा बाहायनानै हा खुरखानायखौ होबथानायनि राहा लानाय जादों होनानै ओन्सोलनि सुबुंफोरा फोरमायो। लोगोसे बे बिथिनि सायाव बिफानानि बिबानगिरिखौ अरायथा राहा लानांगौनि दाबि दैखांदों ओन्सोलनि सुबुंफोरा।

चिरां पुलिसनि फिन जाफुंसार हाबाफारि

जाफुंनो हादों। दिनेबो फिन चिरां पुलिसआ सानै आयेन बेरेखा ड्रगस फालांगिरि खालामग्रा सुबुंफोरखौ हमनो हादों। पुलिसनि सुलुनिफ्राय मिबथिनो मोन्याय बादिब्ला 11 आरो 12 जुनखालि चिरां पुलिसआ फेग्रा मुवा एबा ड्रगसनि हेंथायै गोखोडै नायबिजिरबाय थादों। बेनिनो फिथाइ महैरै ढालिगाव पुलिस थानानि सिडव थानाय चापागुरि पुलिस सिग्रोमग्रा थावनिनाय सिग्रोमनायनि गेजेरजों गंसे इनभा गारिनिफ्राय ड्रगस हमनो मोन्दों। ड्रगसजों लोगोसे पिबि-10 सि डब्लिउ-5400 नम्बरनि गंसे इनभा गारि आरो सानै सुबुंखौ हमनो हायो। हपजानाय सुबुंफोरखौ पान्जाव रइज्योनि लुदिनाया जिल्लानि मन्दिप सिं (34) आरो गुबुन सासेखौ लुदियाना जिल्लानिनो नरिन्दर पाल सिं (52) होन्नानै सिनायथिनाय जादों। एरहाय बिसोरजों लोब्बा थानाय बडाइगाव जिल्लानि मानिकपुर पुलिस थानानि सिडव थानाय गरइमारि गामिनि बिजय आगरवाल (50) खौबो पुलिसआ खायो। जाथायनि सायाव चिरां पुलिसआ हपजानाय सुबुंफोरखौ सौनाय-फिन्यायनि गेजेरजों नायबिजिरगानिसो होन्नानै पुलिस बिबानगिरिआ फोरमायदों।

काजलगाव महकुमानि गुदि फोरोंगरिफोरा सानसेनि

दानबान्थाखौ गिबि मन्थिनि अनसुंथाय फाण्डसिम दान होदों

अनसुंथाय फाण्डआव दान होनो थांखि लादों। मख'नो गोनादि थानाय 2020 माइथायाव राज्योनि बे मोनसे रोखेमनि गोब्राब समाव काजलगाव महकुमा फोरोंगरि सम्मिलनीया महकुमानि सिडव थानाय फोरोंगरिफोरा मार्च दाननि सानसेनि दानबान्था गासै 13,55,073 रांखौ राज्यो सरकारनि अनसुंथाय फाण्डसिम दान होदोंमोन। बे बोसोरावबो राज्यो सरकारनो महामारि करना भाइरासखौ होबथानो काजलगाव महकुमा फोरोंगरि सम्मिलनीनि सिडव थानाय फोरोंगरिफोरा गिबि मन्थि ङ हिमन्त बिश्व शर्मानि खावलायहरनायखौ मान होनानै मे दाननि सानसेनि दानबान्थाखौ दान होदों। बे बोसोराव काजलगाव महकुमानि सिडव थानाय गुदि फोरोंगरिफोरा गिबि मन्थिनि अनसुंथाय फाण्डसिम करना महामारिखौ होबथानो थाखाय गासै 13,68,621 रांखौ थानाय 2 जुनखालि ट्रेजारिनि गेजेरजों दान होयो होन्नानै काजलगाव महकुमा गुदि फोरोंगरि सम्मिलनीनि गाहाय नेहाथारि प्रान सुत्रधरआ मिथिहोयो।

कक्राझारआव फिन सोमो नांथाव आरो दुखु नांथाव जाथाय

सिनायथिनाय जादों। जाथायनि बागै खौरं मोन्याय लोगो लोगो पुलिसआ जाथायथिलियाव सौहैनानै गोथै सहखौ बोखांन कक्राझार पुलिस थानायाव लाबोनाय जायो आरो पस्ट मर्टेम खालामनो थाखाय देहा फाहामसालियाव दैथायहरनाय जायो। बेराफासं बिसोर सानै उन्दै हिन्जावसाफोरा बे रोखोम फांसे बिफाडवनो सानैजों जयै फासि नांनानै थैनाय जाथायनि सायाव फोथायनो गोब्राब मोन्दों गामि आरो ओन्सोलनि रइजो-राजाफोरा। मानोना नख'राव जेबो दावराव-दावसि आरो जेबो जाहोन गैयाजासे बिसोर सानै हिन्जावसाफोरखौ फासि नांनाय थासारियाव थैनानै थानाय एबा गोथै सह बोखांनो मोन्याय हिसाबै ओन्सोलनि सुबुंफोरा बेयाव माबा मोनसे खैसार थानो हागौनि सन्देह खालामनाय जादों। अदेबानि नख'नि आरो गामिनि सुबुंफोरा सन्देह खालामनाय बादिब्ला सोरखा दुथांफोर जिनाहारि खालामनायनि उनाव बिसोर सानै हिन्जावसा रबिता राभा आरो समायना राभाखौ बुथारनानै फासि नांनानै थैनायनि खैसार खालामदों। एरहाय आसामनि मन्थि उर्खाव गोर ब्रह्म, एम एल ए लरेन्स इस्लारिमोनजों लोगोसे गुबुन गोबां आफाद-गौथुमफोरनि दैदेनगिरिफोरबो बे जाथायनि सायाव गोथौयै दुखु मोन्याय फोरमायदों। दुलाराय राभा फरायसा आफाद, राभा डेभेलेपमेन्ट काउन्सिल आरो अल राभा उमेन्स काउन्सिलआबो बे जाथायखौ दुखु फोरमायनायजों लोगोसे गोखोडै सोंखारिनानै बे जाथाया जिउ फोजोबना लानाय नडेनि अजदजों बे जाथाया सोरखा दुथांफोरनि खामानि जानो हागो होन्नानै अजद होना जाथायनि सायाव गोखोडै नायबिजिनानै 24 घन्टा समनि गेजेराव थार रिपटखौ दिहुन्ना दायनिगिरिफोरखौ हमनानै आयेन बायदियै गोखों साजा होनो दाबि दैखाडे।

टंला 3 नं वार्डनि जेनाफोरनि सायाव बि टि चिनि मावफुं सोद्रोमा दिगन्त बरुवाया सुलु लाहैदों

मन्दिरनि लांगोनायाव नुजाथिहैनानै कभिडनि गासैबो नेम-खांन्थिखौ फालिनायनि गेजेरजों ओन्सोलनि राइजो-राजाफोर गोलाव समनिफ्राय भुगिबोनांनय माखासे जेनाफोरनि सायाव सावरायलायो आरो जेनाफोरखौ सुभानाय जागोन होन्नानै बोसोन होयो। बिथाड टंलानि 3 नं वार्डआव थानाय राधागबिण्ड मन्दिरनि लांगोनायाव आलासि जिरायसालि लुफुनो थाखाय 5 लाख रानि अनसुंथाय गथायनो बोसोन होयो। टंला सोहोरनि 3 नं वार्डआ जौगाथायनि बिथिडव गोलेसोनानै थालादों होन्ना फोरमायनानै बिथाड बुडेदि थानाय 15 बोसोराव बि टि चि सरकार सुबुंफोरखौ थगायनानै दोनबोनायनि जाहोनावबो ओन्सोलनि बैफोर जेनाफोरा दिनेंसिमबो सुभ्रां जायाखै होन्नानै बिथाड बुंनयजों लोगोसे बे समनिफ्राय बैफोर गासैबो जेनाफोरा लासै लासै सुभ्रांजाजोबगोन होन्नानै मावफुं सोद्रोमा दिगन्त बरुवाया बुडे। गुबुन फासंथिं टंला सोहोरनि 4 नं वार्डआव नायगिदिहैनानै ओन्सोलनि जेनाफोरखौ सुसरानायनि बिथिडव थाबैनो राहा लानाय जागोन होन्नानै बरुवाया बुडे। नायगिदिहैनय समाव मावफुं सोद्रोमाजों लोगोसे बि जे पिनि राज्योयारि मावफुं सोद्रोमा सुजित सरकार आरो बि जे पि दोलोनि ओन्सोलनि दैदेनगिरि-मावथि सोद्रोमाफोराबो बाहागो लादोंमोन।

सलमान खाननि सावथुन 'कभी इद, कभी दिवालीनि सल' आ लीक जादो

गोदान दिल्ली, 12 जुन: फावखुंगुर सलमान खाननि सावथुन राधे दा मस्ट वान्टेड भाइआ रां आरजिनायनि माखासे रिक्टखौ सिफायबाय। करनानि जाहोनाव अटीटीआव रिलीस जानाय सावथुनआ मोजां जाफुंसारनो हारो। सलमाननि थाखाय थानाय बोसोरआ झइ जादोमोन नाथाय बे बोसोरब बिनि माखासे सावथुनफोरा फलरफोराव दड। थाबै नो जागायनो गोनां सावथुनफोरनि गेजेराव 'कभी इद कभी दिवालीआबो मोनसे जादो। आधिखालआव बे सावथुनखौ लानानै मोनसे गिदिर खौराड फेदो आरो बेनो जादोदि, फलरआव फैनानि सिगांनो सावथुननि सल'आ लीक जाबाय। सावथुन कभी इद कभी दिवालीआ गिबिनफ्रायनो जेनायाव बेखन्नाये थादो। बेनि टाइटेल्खौ लानानै मेकास आरो सलमाननि गेजेराव मोनसे बाश्राया गोरोबाखे। सलमान खानआ सावथुननि मुंखौ भाइजान दोनो सान्दोब्ला गुबुन फारसेथिं मेकासनि बिबुंधिनि



बायदिव्ला बे मुखव कन्ट्रवासी जानो हागौ, जायनि जाहोनाव बेखौ कभी इद कभी दिवाली दोन्दो। एक्शन आरो कमेडीजो बुंफबनाय बिथोनगिरि फरहाद सामजीनि बे सावथुननि सल'आ लीक जाबाय। सलमान खाननि बिनानाव आरिपितानि फिसाइ आयुष शर्माखौ बे समावथुनआव नुनो मोनगोन।

रिपर्टनि बायदिव्ला सावथुनआव सलमान खानआ इकबाल-आयुषनि देरसिन बिदानि फाव खालामगोन। 'कभी इद कभी दिवाली एबा भाइजाननि सल'आ सा 3 बिदा फंबायफोरनि सल'। सल'आ गोबां गोमोथाव जागोन, मानोना बिदा देरसिनआ जुलि जायनि जाहोनाव फंबाइ सानेया जुलि

लानो हाया। मिडिया रिपर्टनि बायदिव्ला बे सावथुनआव आयुष आरो जहीरखौ

अतिथि भुतो भव 'नि फावखुंग्रि दिबिना ठाकुरआ जेकी श्राफखौ लानानै माखासे बाथा बुंदो

गोदान दिल्ली, 12 जुन: फैनो गोनां सानफोरव माखासे हरर कमेडी सावथुनफोरा रिलीस जासिगोन। बेनि गेजेराव अतिथि भुतो भवआबो मोनसे, जेराव फावखुंग्रि दिबिना ठाकुरआ गाहाय फाव खालामदो। दिबिनाया सावथुनआव भेट्टन फावखुंगुर जेकी श्राफ आरो मोजां फावखुंगुर प्रतीक गान्धीजो लोगोसे फाव खालामनो खाबु मोन्दो। दिबिनाया जागरण डट कमजो बाथा सावरायनायाव सावथुनजो सोमोन्दो थानाय माखासे गाहाय खौरांफोरखौ फोरमायदो। दिबिनाया फोरमायदोदि, अतिथि भुतो भवआव गावनि फावआ कमेडी, जाय स्टेड आप कमेडी खालामो। दिबिनाया फोरमायदो प्रतीक गान्धीआ थारैनो स्केम 1992 जो मुंदांखा जानो हादो, नाथाय बियो थिएटर आरो सावथुनफोरव गोबां फाव खालामदो। बिखौ वरुण धवनजो लोगोसेबो मोनसे सावथुनआव नुनो मोनखांबाय। नाथाय स्केम 1992 नि जाफुं सारनाया प्रतीकखौ सोलायाखे।

लाबोनायनि थांखिया सलमाननिमोन। सर्सआ फोरमायदोदि, सलमाननि बायदिव्ला मोगथाडरि जिउआव इमशनेलआ थायोब्लासो पर्दायाव नुनो मोनो। आयुष आरो जहीरजो लोगोसे बिनि बन्डआ मोजां। बियो बेनि सोमोन्दे गावनि थांखिखौ बिथोनगिरि फरहाद सामजीनो फोरमायो आरो बियो सलमाननि थांखिखौ गनायो। सा 3 बिदा-फं बायफोरनि के मिस्ट्रीखौ फरहाद सामजीनि सावथुननि हाइलाइट होना फोरमायनाय जादो। सावथुनआव फीमेल फावनि थाखाय पुजा हेगडेनि मुडा सोराडाव फेदो। बे सावथुनआ डामा, रमान्स, एक्सन, इमशनेल आरो सेल्फ-डिस्कवरीजो बुंफबनाय कमेडी सल' जागोन।

गाहाम देहानि राहा उन्दुनायनि हुदा

जोनोम जागोदान गथ'आ खायलेडे उन्दुयोब्ला देहानि थाखाय जोबोत गाहाम। बे बोसोरआ देहा फाहामगिरिनि। आमेरिकानि मेडिकेल जार्नेलआव बे खौराड फोसाव जादो। नखर बेंगिरिफोरनि गोसोयाव बेनि सोमोन्दे उगुल थुगुलब्लाबो बिथामोननि खोथा मधे, खायलेडे उन्दुयोब्ला गथ'फोरनि दोगोनसालिया गाहामे थायो। बेनि अनगायैबो जोनोम जानायनि उनाव जायफोर जानायनि उनाव जायफोर गथ'नि हां लागा जन्त्रआ गोहो गैये जानानै थायो बिसोरनि बेलायाव गोबां समाव नुनो मोनो दि उन्दुनाय समावनो थैयो। बेखौ देहा फाहामनाय बिज्ञाननि रावआव सादेन इनफेक्ट डेथ चिन्ड्रम होनानै मिथिहोनाय जादो। ब बेलायाव देहाखौ खायले एबा थायश्रा खालामनानै उन्दुनाया गोनांथार।

खंग्रानानै उन्दुनाय आरो खायश्रायै उन्दुनायनि गेजेराव गाहायै मा फाराख दं, बेनि सोमोन्दे, मेडिकेल जार्नेलआ सैथो खौरांखो मोन्थि होयाखैब्लाबो बुंनाय जादोदि जोनोम जागोदान गथ'आ बोसोरसेहा लागै थायश्रायै उन्दुयोब्ला हां लानाय खामानिया जोबोत मोजाडे सोलियो। गथ'नि दोगोन गोहोआ मोजां जायो आरो इयुनाव गथ'आ गोगो देहानि जायो। नाथाय खंग्रानानै उन्दुयोब्ला देहानि ख'हा जायो बेनि बैज्ञानिक फोरमान गैया। अब्लाबो बैज्ञानिक बोसोननि सायाव बिथामोनहा बे मोनसे थांखियाव फेदो जे बोसोरसे हालगौ गथ'खौ थायश्रायै फुथुनो हायोब्ला बिनि देहानि फासें गाहाम जागोन।

एरिका फर्नान्डिसआ टिभिनि मस्ट डिजायरेबल उमेन 2020 जादो



एरिकानि अनगायै टिभिनि माखासे आरोबाव फावखुंग्रिफोरनि मुंफोराबो दंफादेरो। बे फावखुंग्रिफोरनि मुंखौ बे फारिलाइआव टिबिआव एयुलेरिटि, इन्टरनेल ज्युरीनि अनगायै अनलाइन होनाय भटफोरनि सायाव बिथा खालामनानैबो होनाय जादो आरो बिसोरनि रेंकिंखौबे बेनि साया बिथा खालामनानै नो होनाय जादो। बे फारिलाइआव एरिका फर्नान्डिस निया शर्मा, जेरिम्न भसीन, सुरभी चान्दना, जेनिफर भिनोट करिष्मा तनना, सुरभि ज्यति, निक्की तम्बली, शिबान्गी जसी, रुबिना दिलेग, शेहे नाल गिल, निमु कौर अहलुबालिया, अबनीत कौर, श्रद्धा आर्या, पवित्रा पुनिया, अबिका गौ हिमान्सी खुराना, आरुबी चावला, दिव्या आग्रबाल प्रिन्दा कान्तआ दड। मख'नो गोनांदि एरिकानि वार्क फ्रन्टनि बाथाखौ बुडोब्ला, आधिखालाव टिभि श्व' कछ रंग प्यार के एसे भी 3 खौ लानानै फावखुंग्रिया खौराडव थादो। बेनि अनगायै बियो 'कसोटि जिन्दगी के 2' व प्रेरणानि फावबो खालामदोमोन।

गोदान दिल्ली, 12 जुन: टाइम्सनि मस्ट डिजायरेबल उमेन 2020 नि फारिलाइआव टिभिनि फावगिरिफोरनि थाखाय सोराडाव फेखांबाय। बे फारिलाइआव फिसा पर्दानि प्रेरणा एबा फावखुंग्रि एरिका फर्नान्डिसआ सैथि सारियाव फेदो। एरिकायाबो बे फारिलाइआव सैथिसारियाव फैनानि उनाव गोबां खुसि जादो। थानाय बोसोराव फैनानि फारिलाइआव एरिकानि मुख बे फारिलाइआव 4थि नाम्बारआव दडमोन। नाथाय बे खेबआव फेनाय फरिलाइखौ एरिकायाबपो फोथायनो हायाखे। गावनि जायफोरा दासिमाव बे नाजानायाव आंनो हेफाजाव जोजोनायखौ फोरमायदो।

एएनआइनि बपायदिव्ला एरिकाया फोरमायनानै बुंदोदि, जिउआ थारै नो मोनसे थास'लायनि दै बायदि। आं गावनि केरियारखौ 2020 आव टाइम्स फ्रेस फेस कन्टेस्टखौ देरहानानै जागायदोमोन 2 बोसोरनि उनाव आंमिस इन्डिया पीजान्टनि फाइनालिस्टमोन आरो आधिखालाव आं टाइम्सनि मस्ट डिजायरेबल उमेन टिभि 2020 नि फारिलाइआव सैथि सारियाव फैनो हादो। आं दासिमबो बेनि सायाव फोथायनो हायाखे। नाथाय आं बे सुबुंफोरनो साबायख'र बावनो हास्थायदो, गावनि जायफोरा दासिमाव बे नाजानायाव आंनो हेफाजाव जोजोनायखौ फोरमायदो।

नोथाडा आंखौ सेरेरे, मटी बुंनो हागोन, नाथाय सिंह बुन्दिआ गावनि लामाखौ नागिरनानैनो लागोन: बिद्या बानल



गोदान दिल्ली, 12 जुन: बलिउड फावखुंग्रि बिद्याआ अराय सम गावनि दोहो गोनां एक्टिजो साफ्रोमखौबो गोमो होयो। टिभि सिरियालजो सावथुन पर्दासिमनि दावबायनायाव बिद्याया गोबां स्ट्रगल खालामदो। सावथुन

जादो। मोनसे इन्टरभिडनि समाव बियो बेनि सायाव उदाडे बाश्रा बुंदो। फावखुंग्रिया बुंदो आं गोबां सेरेरे, मटी, गोबां बल्ड, लाजिनो रेडे बुजिना, जेखियानो जा आंखौ सोलायनो हाया, नाथाय बे सिंह बुन्दिया गावनि लामाखौ थारैनो सायख'ना लागोन। बिद्याया बुंवावदो आं जेखौखि खालामा बेनि थाखाय आंनि पेसनआ आंखौ नागिरबाय मानोना आं गावनि सोमोन्दे जेबो सोलायनो हाया। बेनिखायनो आं बे स्टीरियटइप सान्नाय-हनायखौ सिफायनो थाखाय थियारि नखमोन। मख'नो गोनांदि, बिद्या बालननि शेर्नीआ थाबैनो अटिटिआव रिलिज जासिगोन बेनि सिगां बिखौ शकुन्तला देबीआव नुनो मोन्दोमोन।

डर्दी पिक्सरजो गावखौ फोरमान खालामनाय बिद्यानि थाखाय बे दावबायनाया गोसले नखमोन, बियो दिनैसिमबो सुबुंफोरनि कमेन्टनि मैहुर जानाडे। लेरथायआ बांनानि जाहोनाव बिद्या बानलआ बडी शेमिं खालामनायनि गोबां मीम्स बांनान

शाहरुख खानआ फाव खालामफिनो थियारि जादो

गोदान दिल्ली, 12 जुन: बलिउडनि किं बुंजानाय फावखुंगुर शाहरुख खानखौ गिदिर पर्दायाव नायनो थाखाय बिनि फेन्सफोरा गोबां गोखो होसारनानै नेनानै दड। शाहरुख खानखौ जोबथा खेब 2018 आव सावथुन 'जीर'आव नुनो मोन्दोमोन। बेनि उन्निक्रायनो शाहरुखखौ जेबो सावथुनआव नुनो मोनाखे आरो बियो जेबो सावथुनखौ फोसावआखे। नाथाय आधिखालाव हमदांनो हायोदि शाहरुखआ गावबो सेटआव थानानै सुटिं खालामगोनखौ नेनो हायाखे। बियो गावनि फेन्सफोरनो गोजोनथाव खौरां होदोदि, गाव फाव खालामनो थियारि जादो। मख'नो गोनांदि, शाहरुख खानआ ससियेल मिडियानि गेजेरजो गावनि फेन्सफोरजो सोमोन्दो लाखिबाय थायो। शाहरुखआ जरखा खाबुफोराव गावनि फेन्सफोरजो लोगोसे माखासे मोजां खौरांफोरखौ सेयार खालामबाय थायो। बावैसो समाव शाहरुखआ गावनि फेन्सफोरनो फोरमायदोदि, गाव थाबैनो फाव



खालामफिनो थियारि जादो। थानाय सानफोराव मुम्बाइयाव जानाय लकडाउन जाहोनाव सावथुनफोरनि सुटिंआ बन्द जादोमोन। नाथाय आधिखालाव लासै लासै गसिबो सरासन्ना थासारियाव फैनो हमदो। बेबायदियाव स्टारफोराबो सावथुनफोरनि सेटआव थानो थाखाय आबुडै थियारि

जादो। बावैसो समाव शाहरुख खानआ गावनि मावख'आरि टुइटर एकाउन्टनि गेजेरजो मोनसे सावगारिखौ सेयार खालामदो। बे सावगारिखौ सेयार खालामनानै केप्सनआव शाहरुखआ लिरदो, समखौ सान, दान आरो दारिजो रुजुनो हायो। आं हमदाडेदि,

आधिखालाव टिम खालामनायनि आरो हाबाफारिआव थांफिनानयनि समआ फेफिनबाय। बेसोरनो गाहाम हमलायथिबावो जाय माखासे समसिमाव सरासन्ना थासारिआव सौहैदो। शाहरुखनि बे पस्टखौ लानानै बिनि फेन्सफोरखौ खुसि जानाय नुनो मोन्दो।

नागिननि फावखुंग्रि अनीता हसनन्दानीआ इन्डास्ट्रीखौ नागारबाय

गोदान दिल्ली, 12 जुन: टिभिनि मुंदांखा फावखुंग्रि अनीता हसनन्दानीआ आधिखालाव गावनि पार्सेनेल लाइफखौ लानानै गोबां नांथाबदो। बियो माखासे सम सिगांनो फिसाज्ला आरब रेड्डीखौ जोनोम होदो। ससियेल मिडियाआव अनीताखौ सानफोमबो गावनि फिसाज्लाजो लोगोसे किउट सावगारिफोर आरो भिडियफोरखौ सेयार खालामनाय नुनो मोनो। फार्सेथिं बावैसो समाव अनीताया गावनि केरियारखौ लानानै गोमोथाव थांखिखौ लानानै खौराडाव थादो। अनीताया एक्टिं खालामनायनिफ्राय बिदाय लादो। अनीता हसनन्दानीआ फिसा पर्दानि माखासे गिदिर श्व'फोरनि



बाहागो जाखांबाय। बियो फिसाज्लाजो लोगोसेल'न'आव सम हगारनो हास्थायो। बियो बुंदो आं थि खालामदोमोनदि, जेब्ला आंनि गथ'आ जोनोम जागोन अब्ला आं इन्डास्ट्री आरो गावनि हाबाफारिखौ नागारगोन। आं आधिखालाव गावनि फिसाज्लानि बिमानि फावआव' इन्फेक्सन

जानायनि जाहोननि अनगायैबो गाव इन्डास्ट्रीखौ नागारनो सानखाबायमोन। गाव न'आव गावनि फिसाजो लोगोसे न'आव थानो हास्थायो। मख'नो गोनांदि, अनीता आरो रहित रेड्डीआ बे बोसोरनि फेब्रुवारी दानआवनो पेरैन्टस जादो बिसोरो 2013 आव जुलि जादोमोन।

कुबेतआव थानाय भारतीय मावसुमाफोरा आयेननि सरैखाथि मोनसिगोन

कुबेत, 12 जून : भारत आरु कुबेतआ गंसे गनायथिज्जालानाय रादाय खानाय लेखा बिलाइयाव मुंसाय होयो, जायनि गेजेरजों लैथोमा सरनि हादतआव खामानि मावहैनाय भारतीय मावसुमाफोरा आयेननि बेखनथायाव लाबोनाय जागोन। बेनि अनगायै बिस्पोरोआयेनारि सरैखाथिबो मोनगोन। बे लेखा बिलाइयाव भारतनि थान्दै सिबि जर्ज आरु कुबेतनि लेडाइ गुबुन हादतयारि मन्थि माजदी अहमद अल- दारिफ्रीया मुंसाय होदों। बे समाव भारतनि गुबुन हादतयारि मन्थि एस जयशंकर आरु कुबेतनि गुबुन हादतयारि मन्थि सेख अहमद नासेर अल- मुहम्मद अल-सबाह याबो दंमोन। बिस्पोर सानैबो बे मुंसाय होनायखौ बरायो। बेनि बादिब्ला मोनसे मेकानिज्म गायसन्नाय जागोन जाय हादतनि खामानि मावग्राफोरोनो 24 घन्टा मदत होगोन। कुबेतनि गुबुन हादतयारि मन्थि सेख अहमदआ भारतजों गावसिनि हादतनि गोथौ सोमोन्दै थानायखौ बाख्नायनानै बुडोदि दरनै हादतनि सोमोन्दोआव अरायबो



साबसिन जाबोबाय थान्दों। गुबुन हादतयारि मन्थि जयशंकरआ लैथोमा सरनि हादतफोराव थानाय भारतनि थान्दैफोरजों जथुमा खुडोआरु ओन्सोलनि थाखाय उरां जाहाज सिबिथायखौ थाबेनो सोलिहोनो आरु कभिड-19 नि जेनानि जाहोनाव गावसानानाय नखरफोरखौ फिन लोगो मोनफिनहोनायजों लोगोसे गोबां आयदाफोरनि सायाव सावरायलायो।

जयशंकरआ कुबेतआव भारतीय थान्दै मावख'आव गुबुन थान्दैफोरनि सिगाडव महात्मा गान्धीनि मुसुखाखौ बेखेवदों। बियो टुइटआव

लिरदोदि, सौदि आरब, इउएइ, इरान, कुबेत, अमान कतार आरु बेहरीनआव भारतीय थान्दैफोरजों सावरायनाय जथुमाखौ दैदेंदों। □

जम्मु काश्मीरयाव उतखारिफोर गाग्लोबनायाव सा 2 जवानफोरा मुंख्लं जादों

गोदान दिल्ली, 12 जून : जम्मु काश्मीरनि सपरनि आरामपरानि लामायाव उतखारिफोरा पुलिस आरु सिआरिफिन जुथाय टिमनि सायाव गाग्लोबदों। बे उतखारि गाग्लोबनायाव सा 2 पुलिस मावसुमाफोरा आरु सा 2 नोगोरिफोरनि जिउया गोमादों जेराव गुबुन सा 2 पुलिस मावसुमाया जोखोम जादों। काश्मीरनि आइजि बिजय कु मार आ फोरमायदों बे गाग्लोबनायनि उनाव उतखारि फसंथान लस्कर-ए-तैबानि आखाय दं। गाग्लोबनायनि उनाव सिक्किउरि फसंजआ फुरा ओन्सोलखौ बंखनदों।



सिक्किउरि फसंजआ खना खनला सिग्रोम गासिनो दं। खाथि खालानि गासिबो

लामाखौ बन्द खालामनाय जाबाय। मख'नो गोनादि बेनि सिगां जम्मु काश्मीरनि

शपियां आव माखासे उतखारिफोरा रैखाथि सान्थि हान्जानि सायाव गाग्लोबदोंमोन। बे जाथायाव रावनिबो ख'हा जानायनि खौरां मोन्नाय जायखौ। बे सप्ताहयाव रैखाथि सान्थि हान्जया जम्मु-काश्मीरनि पुलवामा जिल्लायाव 5 कि:ग्रा: बेरफुग्रा मुवाखौ बोखानो हादोंमोन। सान्थिनि सासे बुंथिगिरिया श्रीनगरआव बुंदों दिने फुडव खना-खनला सिग्रोमनाय अभियाननि समाव बे बेरफुग्रा मुवाखौ जब्द खालामनो हादों। खोला काश्मीर जिल्लानि त्राल ओन्सोलनि खाथियाव थानाय सइमुहयाव गोबां बिबांनि बेरफुग्रा मुवा थानायनि संगालि खौरांखौ मोन्नायनि उनाव खना-खनला सिग्रोमनाय अभियान सालायदोंमोन। □

आनलकनि उनाव सुबुंफोरा सांग्रांथि गैयै जायोब्ला गिखंथावसिन खैफोद नुजाथिनो हागौ : डा. हर्षबर्धन

गोदान दिल्ली, 12 जून: मिरुनि सावसि मन्थि डा. हर्षबर्धनआ सुबुंफोरखौ फिन सांग्रांथि होदों। बियो बुंदोदि, फिन सांग्रांथि गैयै जायोब्ला सुबुंफोरनि थाखाय गिखंथाव जागोन। आनलकनि समाव बांसिनै सांग्रांथि लाखिनयनि गोनांथि

बेखौ गोखोंसिन खालामबावनांगोन। मिरु सरकारा गासैबो बैसो गोरा सांग्रांथि होदों। बियो भेक्सिन थुनो फोसावदों जाहाथे रावबो भेक्सिन मोनाजासे थाया। दिल्लीनि थासारिनि सायाव बियो बुडोदि, बेयाव थासारिया



दं। करनानि नैथि दोहौनि समाव करनानि केसआ मेक्सिमम थाखोआव सोहैनयनि उनाव बाडइ जाबोबाय। बेजों रेहाय मोन्दों, नाथय बे खमायनाया इनफेक्सनआ थादनायनि गेरेन्टि नड। बेनिखायनो आनलकनि समाव बांसिनै सांग्रांथि लाखिनयनि गोनांथि दं। दिल्लीयाव मोनसे हाबाफारियाव सावसि मन्थि डा. हर्षबर्धनआ बुडोदि आनलकनि ओंथिखौ बेखौ गनायनानै लानो नाडदि करनाया जोबनानै थांबाय। आनलकनि उनाव आरोबाव बांसिनै सांग्रांथि लाखिनाने। जरखायै मोजां रोखोमै मास्क गान्नाय आरु समाजयारि जान्थाय बायदिखौ गोखोडें फालिलांगोन। डा. हर्षबर्धनआ करना भेक्सिन थुनायखौ गोखोंसिन खालामनायनि फासं बुडोदि

गिखंथाव आरु सामलायजायै जादोंमोन अब्ला मिरु सावसि मावख'जों लोगोसे गुबुन माखासे मावख' आरु बिफानफोरा खौसे जानानै थासारिखौ सामलायनो हादोंमोन। 2014 आव बिबान आजावनायनि उननिफ्रायनो गाहाय मन्थि मदिथा हादतनि सिगां आव डिजिटल इन्डियानि बिजनि दिन्थिदोंमोन। बेनि गेजेरजोंनो सावसि मावख'नि मख'जाथाव यजना नेसनेल डिजिटल हेल्थ मिसन' नि खामानिया गोखे सोलिगासिनो दं। मिरु सावसि मावख'आ शुकुबाराव बुंदोदि, बेयो नेमखांथि बादियै करनानि एक्टिब केसफोर आरु थैनाय अन्जिमाफोरखौ नोजोर होनो थाखाय मोनसे गोखों रिपटि तन्त्रनि गोनांथि जानायखौ नोजोर होदों। □

1,064 कौटि रांनि बैंक फ्रन्ड केसाव इडीनि हान्जाया टीआरएसनि एमपि नागेसर राव आरु फिसाज्जानि मावखुलियाव सिग्रोमदों

गोदान दिल्ली, 12 जून: टीआरएसनि एमपि नामा नागेसर रावनि न' आरु मावखुलियाव शुकुबाराखालि इडीनि हान्जाया खना-खनला सिग्रोमदों। इडीनि हान्जाया गाहायै 1,064 कौटि रां बैंकनि फ्रन्ड केसाव बे सिग्रोमनायखौ खालामदों। खौरां बिजॉनि रिपट बायदिब्ला फुंनि समाव इडीनि हान्जाया एमपि नागेसरनि अनगायैबो रानची एक्सप्रेस लिमिटेडनि बि थो न गि रि फो रनि मावखुलियावबो सिग्रोमदोंमोन। मिथिनो मोन्नाय बादिब्ला एमपि नागेसरनि अनगायैबो बिथानि फिसाज्जा पृथ्वी तेजानि मावख'यावबो खना-खनला सिग्रोमदों। गासै दर 6 जायगाफोराव इडीनि हान्जाया बे के सनि लोब्यायाव सिग्रोमदों। खौरांनि रिपट बादिब्ला जुब्लि हिल्सआव थानाय मधुकान इनफ्रा अफिस, रानची एक्सप्रेस लिमिटेड-वेनि सिएमडि श्रीनिवासन आरु डायरेक्टर एन सेट्टियानि नफोरजों लोगोसे माखासे मावखुलियाव खना-खनला सिग्रोमदों। मख'नो गोनादि, 2019 आव सीबीआइआ गिबि खेव मधुकान प्रजेक्ट, मधुकान इनफ्रा, मधुकान टाली हाइवे

आरु बैंकनि कनसार्टियामनि अडिटर आरु अफिसरफोरनि सायाव एफ आइ आर थिसन्दोंमोन। नायबिजिरनायाव 1,151.60 कौटि रांनि बैंक फ्रन्ड के सनि सायाव मिथिनो मोन्दोंमोन। □

आबादारि सोमावसारनाय जायगायाव पट' खेबनायनि सानै पुलिसखौ गाग्लोबो



गोदान दिल्ली, 12 जून: राजथायनि दिल्लीआव सिन्धु सिमायाव आबादारि सोमावसारनायनि धर्ना होनाय जायगानि पट' खेबनायाव धर्ना होया आबादारिफोरनि मोनसे हान्जाया दिल्ली पुलिसनि स्पेसेल ब्रान्सनि सानै एसिस्टेड साब-इन्सपेक्टरखौ गोब्राबै

गाग्लोबो। बे जाथाया 10 जुनखालि जादोंमोन आरु बेनि सायाव नरेला थानायएफ आइ आरबो थिसन्नाय जायो। बि के इडिनि दैदेनगिरि राकेश टिकैतआ बुंदों, बिस्पोर पुलिस मावसुमाफोरा सिबिल ड्रेसआव थांदोंमोन जानांगौ, बिस्पोरखौ चनेलनि सुबुं सानानै गावसोरखौ

गात्रि रोखोमै दिन्थियो सानानै धर्ना होया सुबुंफोर गाग्लोबदों जानांगौ। धर्ना होयाफोर एरैनो बुलाइ-सोलाय खालामा। पुलिस आरु सरकारा आबादारिफोरखौ थुनज्जालानो नागिरदों। पुलिसआ गोबां साननिफ्रायनो धर्ना होनाय जायगायाव दावबायहैबाय थादों,

भारतआ बुंदों पाकजों मोजां सोमोन्दो बानायनो गोसो जादों भारतआ

इउएन, 12 जून : भारतआ बुंदों पाकिस्तानजों लोगोसे गासिबो न'सु हादतजों सोमोन्दोखौ मोजां बानायनो गोसो जादों। बेनि थाखाय थासारिखौ मोजां बानायनयनि बिबानआ इस्तामाबादनि। बियो गावनि ओन्सोलखौ जायखि जाया रोखोमै भारतनि हँथायै बाहाय होनो नाड। इउएनआव भारतनि अरायथा मिसनआव काउन्सलर आर मधुसुधनआ 2020 नि थाखाय रैखाथि परिषदनि रिपटयाव इउएन महासभानि जथुमायाव बांधाखौ बुंदों। जों बे बांधानि सायाव दिदोमै दंदि भारत आरु पाकिस्ताननि गेजेराव जायखि जाया आयदाखौ उतखारि, सुधुर आरु हिंसानिफ्राय उदां थासारियाव गोजेनयै सावरायलायनांगौ। इउएनयाव पाकिस्ताननि अरायथा थान्दै मुनीर अकरमआ गावनि बिबुंथि होनाय समाव जम्मु-काश्मीरनि आयदाखौ माख'दों। फिन्नाय होनानै सुधनआ बुंदों, बे बांधाया दुखुनांथावदि पाकिस्तानआ बेबादि आखुखौ दिन्थिबोबाय थायो, जाय बे जौसांनि थाखाय गुन गोनां नड। आथिखालाव रोखा जाबायदि हारिमायारि फोलेरखौ बै थान्दै हान्जाया जाम्बा खालामनो हानाय नला। सुधनआ बुंबावदों पाकिस्तानआ इउएनजिए जौसांनि मुलाम्फाखौ लानो नाजादों आरु फिन खनसेबाव भारत हादतनि सिंनि केसखौ देखदों। मिरुजों खुंजानाय राइज्यो जम्मु काश्मीर आरु लाहाखआ भारतनि संसदनि गेजेरजों लानाय थांथिया बेनि हादत सिंनि केस। भारतआ 5 आगस्ट, 2019 याव अनुच्छेद 370 खौ बोखारना होदोंमोन आरु जम्मु काश्मीरखौ मिरुजों खुंजानाय राइज्योयाव गावसा होदोंमोन। □

खारखुमानाय मेहुल चक्सीखौ हाइकर्टआ जामिन होनो नेवसिगारदों

गोदान दिल्ली, 12 जून : पान्जाब नेसनेल बैंकनि गोनाखांथिनि गाहाय दायनिगिरि आरु डमिनिकानि जोबथेसालियाव जोबजानाय खारखुमानाय मेहुल चक्सीनि थाखाय मोनसे गिदिर गोमोथाव खौरांआ सोराडाव फेदों। डमिनिका हाइकर्टआ मेहुल चक्सीनि जामिन आरजलाइखौ नेवसिगारो।



मिडियानि खौरांनि बादिब्ला, बियो खारखोमानै हागौ जायनि जाहोनाव बिखौ जामिन होनो नेवसिगारदों। मिडियानि खौरांनि बादिब्ला

बियो खारखोमानै थानायनि जाहोनाव बिखौ जामिन होनो नेवसिगारदों। सरकारनि उकिलआ जामिननि आरजलाइखौ अजद होयो आरु बुडोदि चक्सीया हादत नागारना खारखुमालांनो होन्नानै सन्देह खालामदों। मख'जाथावदि, थानाय 23 मेयाव चक्सीया एन्ट्यूआनिफ्राय रहस्य गोनां

थासारियाव गोमादोंमोन आरु उनाव बिखौ डमिनिकायाव आयेन बेरेखायै हाबहैनायाव हमनो मोनफिन्दोंमोन। बेनि सायाव गुबुन हादतआव आयेन बेरेखायै हाबहैनायनि दायबो दं। बियो 2018 निफ्रायनो एन्ट्यूआयाव नोगोरारि महरै थादोंमोन। अदेबानि मेहुलनि उकिलआ दाय जाबसिन्दोदि, बेखौ खावना लांनार्यैसो डमिनिकायाव लांदों। □

ज' सिलिसबरी-डिजायार क्रसिकनि जराआ फ्रेन्स अपेन 2021 नि मिक्स डाबल्सनि बिमुंखौ देरहादों

पेरिस, 12 जुन : ब्रिटेननि ज' सेलिसबरी आरु आमेरिकानि डिजायार क्रसिकआ रासियानि जरा एलेना बेस्नीया आरु असलान करातसेभखौ 2-6, 6-4, 10-5 जों फेजेनना नैथि ग्रेन्डस्लेम फ्रेन्स अपेननि मिक्स डाबल्स बिमुंखौ देरहादों। सेलिसबरीआ बे देरनायजों लोगोसे थानाया 39 बोसोराव लावगेरआव बिमुं देरहानाय गिबि ब्रिटिस सेमियन जाबाय। ब्रिटेननि जन लायडआ 1982 याव अस्ट्रेलियानि बेन्डि टार्नबुलजों लोगोसे फ्रेन्स अपेनआव रलां गेटयाव मिक्स डाबल्सनि



बिमुंखौ देरहानो हादोंमोन। क्रसिकआ थानाय बोसोराव आइजो डाबल फाइनालाव सौहैदोंमोन आरु बियो गावनि

गिबि ग्रेन्डस्लेम टूफीखौ देरहादों। सेलिसबरीनि बेयो नैथि बिमुं देरहानाय। बेनि सिगां बियो राजिब रामजों

लोगोसेयै 2020 याव अस्ट्रेलियान अपेननि मेन्स डाबल्सनि बिमुंखौ देरहादोंमोन।

फ्रेन्स अपेन : सितसिपासिआ 5 सेटनि बादायलायनायाव देरहानानै फाइनालाव सौहैबाय

पेरिस, 12 जुन : मुलुगनि 5 थि रेकिनि गेलेगिरि स्टेफानआ सितसिपासिआ गिबि खेब फ्रेन्स अपेननि फाइनालाव जायगा बानायनो हादों। सेमिफाइनाल मेचयाव मोजाडै गेलेना नै सितसिपासिआ जानांनि एलेकजेन्डर ज्वेरेबखौ 5 सेटनि गोखौ बादायलायनायाव 6-3, 6-3, 4-6, 4-, 6-3 जों फेजेन्दों, जायजों बियो ग्रेन्डस्लेमनि फाइनालाव सौहैनो हानाय ग्रीकनि गिबि गेलेगिरि जादों। 22 बोसोरनि सितसिपासिआ 2008 नि उनाव फ्रेन्स अपेननि फाइनालाव जायगा बानायनो हानाय



लाइमोन टेनिस गेलेगिरि जादों। 2008 याव राफेल नाडालआ 22 बोसोर आरु 5 साननि बैसोआव फ्रेन्स अपेनि फाइनालाव सौहैदोंमोन आरु बे समाव बियो बिमुंखौ देरहानो हादोंमोन। सितसिपासिआ

ज्वेरेबनि हेंथायै मेचयाव गिबि 2 सेट 6-3, 6-3 जों गावनि मुं खालामदों, नाथाय ज्वेरेबआ गोखोडै फेफिनना 2 सेटयाव 6-4, 6-4 जों देरहानायखौ रेकड खालामदों। सितसिपासिआ जोबथा सेटयाव फिन खनसेबाव

ज्वेरेबनि सायाव गोहोम खोख्लैनो हादों आरु बियो जोबथा सेटयाव 6-3 जों देरहानानै जोबथा सेटयाव 6-3 जों देरहानानै फाइनालाव जायगा बानायनो हादों। फ्रेन्स अपेननि फाइनालाव सितसिपासिआ सर्बियानि नबाक जकबिचजों बादायलायगोन। जकबिचनि हेंथायै बियो मोन 5 मेचफोरनि गेजेराव मोन 2 मेचफोरखौ देरहाखांबाय। क्ले कर्टनि बिमुंखौ बो देरहाखांबाय।

दकिय अलिम्पिकनि थाखाय सानफ्रामबो 8-9 घन्टा हुदा खालामदों भारतीय सुटार अभिषेक बर्माआ



रहतक, 12 जुन : भारतीय सुटार अभिषेक बर्माआ पिस्टल गैयाब्ला गावखौनो आवुं मोना। बियो सान हर गावनि थांखियाव सौहैनो थाखाय हुदा खालामदों।

आथिखालाव बियो क्रएसियाआव सानफ्रामबो 8-9 घन्टा हुदा खालामदों आरु बेनिफ्राय अलिम्पिकयाव बाहागो लानो टकियआव थांगोन। अभिषेकनि

बिफा अशक बर्माआ कर्टयाव हाबा मावयो। बेनि थाखायनो आलादा आलादा जिल्लाफोराव बिनि पस्टिं जाबाय थार्दों। बेनि जाहोनाव अभिषेकआ हरियानानि माखासे जिल्लाफोराव थार्दों। 2014 याव अभिषेकनि बिफाना फतेहाबादाव पस्टिं जादोंमोन। बेनिफ्रायनो अभिषेक सुटिं खालामनो गोसो जायो आरु बियो गुरुग्रामनि एकलव्य सुटिं एकाडेमियाव ट्रेनिं लायो। बियो 2018 आव एसियानि सुटिं बादायलायनायाव ब्रन्ज मेडेल देरहानो हायो। बेयो बिनि गिबि हारिमायारि मेडेल देरहानाय। बेनिफ्रायनो बियो अलिम्पिकयाव

क्वालिफाइ जानायनि थांखिखौ थि खालामो आरु टकिय अलिम्पिकनि टिकेट मोन्नो नाजानाय जाफुंसारनो हायो। अभिषेकआ आथिखालाव टकियआव 10 मिटार एयार पिस्टलाव हादतखौ दैदेनगोन। अभिषेकआ जिंगा सिनायनिफ्राय जानगाराव थानो थाखाय नेमखान्थि महरै यग आरु प्राणायाम खालामो। बियो सानआव खन्थाम हुदा खालामो। हुदानि समाव बिनि नोजोर होनाया टारगेट एरियाआव लायो। हुदा खालामनायाव जायखि जाया रोखोमनि जेना सोमजिया, बेनि थाखाय बियो

गंसे पिस्टलखौ लायो। अभिषेकआ आथिखालाव क्र एसियाआव इडर 'पियान सेमियनसिप आरु जुथाय वर्ल्ड कापयाव बाहागो लानो थाखाय भारतीय टीमजों लोगोसे थांफादों। बियो 11 मेयाव गोदान दिल्लीनिफ्राय चार्टर्ड उरां जाहाजजों रावना होदोंमोन आरु बेनिफ्रायनो टकियआव थांगोन। अलिम्पिकयाव 23 जुलाइनिफ्राय सुटिं नि बादायलायनायाव जागाय जेनगोन। अभिषेकआ बुदों अलिम्पिकयाव हादनि थाखाय मेडेल देरहानाय दुथागावनि बाथा।

क्विन्टन डिककआ वेस्ट इन्डिजनि हेंथायै 141 रान बानायनो हादों

गोदान दिल्ली, 12 जुन : वेस्ट इन्डिजनि हेंथायै गेलेनाय मोनै मेचफोरनि टेस्ट सिरिजनि गिबि मेचनि नैथि सानाव साउथ आफ्रिकाया 322 रान बानायनो हादों। बेवहाय टीमनि बारग' केप्टेननि 100 रानआ दंपा देरो। क्विन्टन डिककआ केप्टेन बिबानखौ नागारनायनि उनाव टेस्ट सिरिजयाव 141 रान बानायदों। वेस्ट इन्डिजआ गिबि बादायलायनायाव 97 रान बानायदोंमोन आरु बे रोखोमै आलासि टीमआ 235 रान बानायदों। नैथि सानाव मेचआ



जोबजासिम वेस्ट इन्डिजआ 82 राननि सायाव 4 उइकेट खोमा नादोंमोन। वेस्ट इन्डिजखौ दावबाय हेनाय साउथ आफ्रिकानि बारग' केप्टेन डिककआ मेचखौ मोजाडैगेलेना नै दिन्थिपुंन्द्रों। बियो गिबि बादायलायनायाव 170 बलयाव 12 खेब 4 रान आरु 7

खेब 6 रान बानायनानै 141 रान खालामनो हादों। टीमनि थाखाय डिककआ हारसियैनो गोबां नाजानादों। बे बादायलायनायाव केप्टेन हुडेन मारक्रमआ 60 रान जेराव वानडेरे हुसेनआ 36 रान बानायदों। टेस्ट क्रिकेटयाव नै बोसोरनि उनाव 100 रान बानायनाय डिककआ वेस्ट इन्डिजनि हेंथायै 141 रान बानायनो हादों। बेयो बिनि टेस्ट केरियारनि बयनिखुडबो बॉसिन रान बानायनाय। बेनि सिगां बेनि स्करआ 129 रान बानायनानै गावनि रोंगथिखौ गोखौयै दिन्थिखांबाय।



COVID - 19

And the expansion of Health Infrastructure in Assam



From the very onset of COVID-19, the Government of Assam has shown great commitment, strength and will in dealing with the situation.

The State's need-based policies include gearing up medical and para-medical fraternity, infrastructural development of health facilities, ensuring constant availability of HR, drugs and logistics to combat the COVID-19 pandemic.

Strategies adopted by State Government

 <h4>Infrastructure Strengthening for Proper Treatment</h4> <ul style="list-style-type: none"> COVID Care Centres established across the state with over 12000 beds. Total of 1793 ICU ventilators including 967 ICU ventilators received from PM Cares Fund Total oxygen production in the State - 82.88 metric tonnes per day Total storage capacity for medical oxygen in the State - 479.4 metric tonnes Total oxygen requirement in the State as on date- 90 metric tonnes per day 7 Medical College & Hospital, and 42 Large Tertiary Hospitals including District Hospitals and Sub Divisional Civil Hospitals 201 Community Health Centres 1006 Primary Health Centres and 4682 Sub Centres 130 MMUs, 305 Mobile Health Teams and 2210 Health & Wellness Centres 	 <h4>COVID Related Measures</h4> <ul style="list-style-type: none"> 1,23,49,596 COVID tests done till date 2,21,407 Home Isolation follow-up calls through 104 4,03,170 COVID positive patients recovered Under ACSP, health workers directly communicated with nearly 2.4 crore people from villages. 108 transferred 2 lakh plus COVID patients
 <h4>HR Improvement Facility</h4> <ul style="list-style-type: none"> 7,608 Medical Officers (MBBS/Specialists), 1,195 Ayush MO and 331 Dental Surgeons 5,743 Para Medical Staff, 6,088 Nurses and 13,150 ANM & MPWs 	 <h4>COVID Vaccination</h4> <ul style="list-style-type: none"> 1st dose: 37,63,285 vaccinated 2nd dose: 9,03,390 vaccinated Total of 46,66,675 doses were vaccinated Government of Assam has also provided vaccination facilities for the elderly and specially-abled near their home.

We take this opportunity to thank each and every health care worker, from Government and private sectors, who has selflessly contributed to our fight against COVID-19.